

續川名尺畫像



練川名人畫

象
頤性老人既元
題
十有五



嘉定程氏仿漢竹冊
道光己卯二月開雕

板藏程氏
陔南草堂

練川



拈 先

畫象

道光 甲辰十月廿一日

嘉興張廷濟



嘉興張廷濟

嘉興張廷濟

嘉定高漱
芳齋刷印

嘉定自宗以前地為崑山縣屬
迄寧宗嘉定始分晰而以紀年為
邑名是昔人士猶未甚焯著及
元明以至

國朝則彬然盛美矣邑人程
君序伯之賢嗣輝蘅編訪故
家存歲畫像摹而傳之并及
名宦寓公且詳述多事昔
人云思其人猶愛之樹况其
容貌齧歎之可想見者乎予
多淺陋邑賢士大夫會陳子
梁妹以詩冊見之乃為粗述

梗既未如此

道光二十八年歲在戊申六月

婁俊學姚楷謹題



Faint vertical text impressions, likely bleed-through from the reverse side of the page, including characters like '人', '畫', '象', '姚', '序', '二'.

人情心有所慕每思一見以為快
其不獲見而聞有稱道其風采圖
繪其容貌者則怍焉不啻揖之
几席遇諸夢寐也昔趙邨卿為壽
歲畫晏嬰季札卞向子產四人於
辟文翁石室武氏祠堂咸繪古聖
賢節義之士蓋慕其人而晤諸畫
覩其貌益以想見其人尚友千古
者固如是也雖然自古以來賢者
眾矣勢不能徧取而圖之圖之而
鄉僻虛造將目魁偉者為林宗安
知非晉之魏舒指短小者為龔遂

安知非齊之慧曉以狀如婦人女子者為留侯安知非魏之崔浩若然吾烏從而辨之吾烏從而友之夫孟子言友必自一鄉之善士始則尚友者亦必自一鄉之善士始何者耳目濡染見聞切而嚮慕殷也吾嘉定僻處海隅彈丸下邑而自宋迄今道德忠孝政事文學之士後先輝映照耀簡編後之人尋遐軌而步芳塵不出里閭師友斯在由一鄉之善進而至於一國之善天下之善不難也然而讀其著

述得其性情議論矣披覽志乘得其出處事蹟矣顧不能睹其容顏風采毋亦盡狀有我不見古人之慨乎程子釋蘅式承家學能文章工繪事乃哀邑中名賢圖其遺象旁及名宦流庸諸公或圖諸古寺或索諸後裔或訪諸好古藏書之家凡歷數寒暑而始成彙為十冊嗚呼稚蘅之用心至深遠矣嘉定建縣以來六百餘載而卓犖奇偉之士流風餘韻足以沾被後人者不過此百數人耳士患不自立必

謂古今人不相及自棄者也詩曰
高山仰止景行行止披是冊而若
者睥然可以知其養若者毅然可
以驗其節若者肅然穆然若者怡
然盎然可以識其性情行事晤對
一室之間而嚮往則傲之心勃狀
不可遏則上之頡頏古人次之亦
足輓晚近之浮惰故曰稚蘅之用
心至深遠也若例之楚國先賢襄
陽耆舊祇以志人性風微之感猶
淺之乎測稚蘅矣道光二十有七
年十月六日朱右曾書



自序

士君子以品節學問才藝表著鄉邑傳於後世原不藉圖象以傳而後之人讀書論世又未嘗不因是而想象形容恍接聲歎亦尙友古人之非同虛寄也自漢文翁石室圖象後會稽先賢之繪四明文獻之錄一鄉一邑各有傳人吾邑僻處海濱舊隸崑山地位有練川古名練祁市縣建於宋嘉定間以紀年名元仍之改爲州嗣復爲縣國朝析東竟置寶山縣大海環其東北吳淞流其西南雖地非名勝而扶輿清淑之氣流行磅礴名賢碩士代不乏人惟經兵燹燬燹之餘前哲遺型日就湮沒因偕同志廣爲蒐羅得百數十象先付剞劂并采史傳志乘及前人傳贊志銘略輯梗槩書之象左自維學識淺陋曷敢妄任表章聊志仰止高山敬恭桑梓之意云爾

道光二十四年冬十月朔邑後學程祖慶謹識



一 是書搜摹嘉定名人畫象自宋元明迄

國朝凡若干人雍正丙午分析嘉定縣地置寶山縣其籍隸寶山而名列嘉定志中及寄籍他州縣由他州縣入籍名載縣志者亦皆摹入若名德顯著而象已失傳或後人遷徙無從訪求則姑從闕焉

一 是書兼收名宦志風化之始宋瞻儀堂圖象例也收寓賢著應求之廣明吳中往哲象例也

一 象側標題仕者書官有贈書贈官由子孫封贈書階不仕者書處士其有德行之旌於朝者亦書之名宦書其官我邑之官稱公尊其爵也餘皆稱先生尊其德也僕則名之嘉其行不能軒其分也

一 象後各繫以傳名字官階生卒年壽著述祠墓之可考者悉載之官名地名皆依一代之制引據舊籍則仍原文詳及里居老子聶政傳例也一門濟美必書某子若孫若兄弟亦史例也吾邑於明季以忠義著者志書率多諱飾未合史裁康熙戊午敕詞臣纂修明史直書勿諱乾隆乙未又奉

敕誤勝朝殉節諸臣錄祀各州縣忠義祠茲輯傳略敬遵

聖朝寬大之典皆據實書之

一 諸家傳贊墓志序記之文見於前人著述者掇十之一二分注傳後其全文則悉載祖慶所輯練水文徵其遺文逸獻之散見者亦皆采注以資參訂或互有異同則竝存以俟攷問附臆見願質之博雅者

一 諸象悉依原本鉤摹冠服均仍其舊先後以年齒爲序年無攷

練川名人畫象凡例二

者以科第及交游輩行為序知多舛誤閱者正之

一臨摹遺象尚不止此因傳稟未定槩俟續刊


一書先有設色稟本褒池成冊蒙父執暨諸交游寵以詩詞序

跋竝俟彙齊付梓

甲辰冬十一月既望祖慶又識於小松圓閣

祖慶

印



甲辰冬十一月既望祖慶又識於小松圓閣

祖慶

印

設色稟本褒池成冊蒙父執暨諸交游寵以詩詞序跋竝俟彙齊付梓

者以科第及交游輩行為序知多舛誤閱者正之

一臨摹遺象尚不止此因傳稟未定槩俟續刊

一書先有設色稟本褒池成冊蒙父執暨諸交游寵以詩詞序跋竝俟彙齊付梓

邑後學程祖慶編次

第一卷

宋

龔宗元

楊應龍

元

趙默庵

沈雷奮

第二卷

明

沈輔

沈炤

戴廣

錢碩

張任

徐學謨

殷都

金大雅

錢春沂

徐允祿

張恆

歸子願

第三卷

楊則之
楊滋

秦輔之
沈文輝

龔弘

沈灼

趙中行

金翊

侯堯封

朱纓

金大有

時偕行

龔錫爵

唐時升

婁堅

徐兆曦

錢世積

金兆登

黃世能

王道通

侯震暘

李流芳

邱繼武

孫元化

徐元嘏

嚴衍

侯峒曾

張鴻磐

侯岐曾

王泰際

金德開

黃涓耀

傅凝之

唐培

孫和斗

侯涵

金起士

黃淵耀

金堪士

傅永年

第四卷

國朝

陸元輔

王度

浦同倫

李聖芝

浦鷗

趙俞

程時彥

孫致彌

侯開國

王晦

張雲章

錢民

李實

郁所學

張觀光

張錫爵

李錫秦

周顯

張鵬翀

徐雲捷

程文植

李夢璉

秦大成

錢大昕

毛大瀛

錢塘

錢大昭

朱瑋

李麇芸

徐樟

坳卷上名宦

宋

高衍孫

明

練達

任環

國朝

周忱

朱廷益

陸隴其

程瑤田

陳化成

坳卷下寓賢

元

楊維禎

明

沈周

歸有光

程嘉燧

宋珏

歸昌世

歸莊

國朝

道山

陳瑚

吳歷

朱厚章

練川名人畫象總目四

胡仁濟

陳文述

錢杜



員外郎龔先生象



先生名宗元字會之其先邵武人父平江軍節度副使識始居吳徙
崑山之黃姑灣今其地隸吾邑遂爲著姓先生舉天聖丁卯進士官
仁和主簿調吳縣改尉建安謫有聲稱以薦章侂任者二十有二擢
大理寺評事出知句容縣事摘發如神歷判衢越二州仕至都官員
外郎分司南京告歸與程員外適陳中允之奇爲吳中三老范文正
仲淹稱其文溫厚和平而不乏正氣似其爲人墓在吳縣支硎山之
南峯曾孫宣教郎明之選家傳著有武邱居士遺稿

都統制楊先生象



先生名則之字彝老號之彝晚號支頤老人父敏求元豐戊午進士
朝散大夫居外岡西南其裔至今聚族而居地名楊甸角先生曾為
御前忠義軍都統制謝去學詩於西湖順老學禪於大覺璉禪師卒
葬溪號北九圖地圩小練祁之陰二十四世孫明文學生湜誤家傳
箸有禪外集十玄談參同契

案中吳紀問韓志翟氏練音三書俱以先生為釋子王貢生輔銘曾辨之當以楊氏族譜為準

都鈐轄楊先生象



先生名應龍字汝濟號性齋都統制則之孫爲臧里壻有文武才孝
宗在東宮親愛之甯宗朝官武功大夫兩浙西路兵馬都鈐轄晚年
丐祠主管建甯府冲祐觀使嘉定開金人大舉入寇右司王袞黃由
以將帥薦未及用卒祀鄉賢祠著有進授冊及詩藁又彙錄經史百
家之說爲性齋知見錄

忠惠侯楊先生象



先生名滋都鈐轄應龍孫理宗朝官兩淮安撫制置使時邊疆騷擾
民多遷徙乃招集撫綏籍其壯者爲兵分屯要害敵猝犯境出奇計
勝之捷聞有詔褒嘉尋以老病乞歸不許卒於官追封護國忠惠侯
廟會邑中墓在岡西陽橋側

宋公孫趙先生象



先生夏姓葛隱其名以字行曰默庵號翠崖南渡後自平江徙居邑
之一都好施與名流多樂與之游會稽王高士元章訪先生於郵舍
寫梅贈之繫以長歌有轉首西冷隔煙霧欲問逋仙杳無所句吳文
定寬題象贊云在秦張祿於齊計然淡自韜晦抱璞以全可想見其
爲人焉墓在公孫涇南今其地曰公孫里

處士秦先生象



先生名輔之號道山由常州遷邑之橫瀝東隱居行義博學工詩文
 學者稱文懿先生十一世孫江川知縣倬誤家傳墓在拱號一圖雲
 圩楊樹浜南輯練川志五卷又箸格物擇善錄易經史斷武事要
 覽忠孝百詠

案家傳言先生字安一又字聖翼敦尚名節善草隸五十餘成進士會賈魯治河上書力言其
 害不聽而紅巾賊起時丞相脫統兵征討先生弟端三贊畫軍事貽書招隱未幾元主削脫
 脫官兵潰散端三乘間歸又言王彝輩皆從先生遊卒至正乙未年七十七而楊高士維楨序
 練川志云至正辛丑春余耆禰上邑老儒秦良氏來謁并出其先人所編練川志願賜之序又
 云子之先人竭精疲神以成是書物四十年而子能繼其志可謂孝矣至正辛丑物已四十年
 則先生歿於英宗至治元年辛酉乃家傳所紀賈魯治河在至正十一年辛卯物已四十年
 統兵又一年而削官兵潰去至治辛酉三十三年矣果如家傳所云年五十餘成進士及賈魯
 治河脫統兵事則先生歿年七十七當在洪武時若以乙未為據則先生之物猶未滿六十
 不符甚矣況楊序末又有余已不識道山語邪至王彝外魏觀之說在洪武七年而洪武三年
 彝作聚英圖序中有云張孟兼年甫出三十而少余二歲則彝外魏觀之說在洪武七年而洪武三年
 元四年戊寅距先生之物已後十七年傳云從之游亦不合

武略將軍沈先生象




先生名雷奮字東原居大場父懷玉宋霍邱尉入元不仕先生爲至
元間海漕千戶時都漕總管朱清張瑄所爲多不法朝命翰林承旨
張伯淳司章奏實密偵之瀕行趙文敏孟頫謂之曰余感沈千戶忠
勇有幹略事可咨商比至詢以利弊得旨緊朝廷用其言公私便之
大德辛丑張偕之還朝隨運船至山東界遇盜出奇計翦之獻俘闕
下授爲武略將軍及清瑄伏誅上諭其忠勇欲大用之已前卒遂錄
其弟文輝事詳承旨海運志

千戶沈先生象



先生名文輝字梅溪武略將軍雷奮弟大德中以漕運功授忠翊校尉官金符千戶至大初謝事承父兄志勸小學於里捐田千畝延師以教鄉子弟有司上其事行中書省表曰義塾鄧文肅文原爲之記郡學尊經閣圯董率建葺捐鈔成之至順中閩浙薦饑朝募義振輸粟三千石錢十萬緡當除爲郎力辭中書又以義士表之其他善舉靡不力任卒後至元乙亥年八十二葬大場臨江鄉父塋崇孝阡側淮東道副使諸暨王良謨墓志

孝子沈先生象



先生名輔字良弼號菊軒居入都邑中善舉無不力任遇旱澇率先輸粟前後數千石榮膺章服有司表其門曰尚義性至孝嘗夏月遠出忽心動曰得母親疾乎遽馳歸母氏黃患癰婦瞿方跪而舐之已潰不可救哭踊絕粒父患末疾夫婦晨夕籲天願以身代比歿廬墓三年弘治己酉舉鄉飲賓辛亥詔旌雙孝卒乙丑年七十二祀忠孝祠瞿氏祀節烈祠墓在戴家浜南上海陸編修澆誤行狀

榮祿大夫龔先生象



先生名弘字元之居蒲華塘因號蒲川後徙北城宋都官員外郎宗元八世孫成化戊戌進士歷官工部侍郎晉尚書致仕嘉靖初遣使存問晉階榮祿大夫卒丙戌年七十六賜祭葬祀鄉賢祠太倉王尚書世貞誤傳墓在塘左內江李尚書充嗣誤墓志銘箸有嘉定縣志

玉書樓臺

傳略曰公為人廉潔尤以明慎識冤獄時人神之所至多惠政密正德中中貴武臣更擅權勢數與公忤公行意貞若獨不能有所加進退綽如也王少司馬瑋與公同年原交而俱有方面勳稱天下長者矣忠節祠曾曰蒲川公身歷六朝治行為天下第一治河有殊績數沒疑獄若有神焉而不以智名終身介潔守郡六載病且歿囊無十金而不以廉名三抗貴璫於武廟之世至削其黨奪其財而不以節名退居十餘載累徵不起而不以高尚名善為篇什著述甚多而不以文名

按察司僉事沈先生象



先生名昭字文明號東溟孝子輔孫自八都徙居城弘治壬戌進士
由行人擢刑科給事中彈劾無所避忤閹人劉瑾喉法司箠置之死
瑾誅起主桐廬簿累遷至廣東按察司僉事仍以剛直免官歸卒嘉
靖丁酉年六十八祀忠孝祠堦崑山顧文學夢川謨行狀長洲皇甫
僉事訪誄之墓仍在八都箸有東溟集

案先生給事刑科時聞瑾擅政欲誣潭關守將姚諫重辟檄先生往訊時科道奉遣必請璽俯
伏庭下受指先生挺然直入揭簾升堂瑾駭叱曰何物給事如是強項繼繼者久之初瑾知先
生家富有所求不遂已憾之至是先生與御史杜宏知府郭邦生會勘廉諫冤兩人畏瑾未敢沒
先生手摺獄詞扣案起曰吾終不能殺人以媚人明日宏等倍呼酒酌地曰願從公外獄上瑾
尤怒趣縛諫殺之先生於獄杖幾死謫為福建蒲照磨未行以憂歸追憶未已復逮至京遣
戍甯夏璽誄始由桐廬主簿轉江西新昌縣知縣陞湖廣郴州知州在郴州時嘗以直言規都
御史何元春尋遷廣東僉事何為吏部侍郎以危言中傷之歲餘即罷歸

御史沈先生象



先生名灼字文燦號東巖僉事炤從弟正德戊辰進士授行人擢廣西道監察御史敢直諫清軍浙江巡按福建江西皆著風裁宸濠陰圖不軌上疏首發其姦嘉靖初疏陳四漸一經筵輟講二詰責言官三數逮有司四偏信內侍且曰朝廷刑獄內付刑部都察院外付巡按按察司錦衣官校不宐輕遣指陳切直世宗爲動容以議興獻大禮不合與同臺句容曹銓崑山方鳳同日乞休郡守胡纘宗鏞三高士姓名於虎邱石壁卒祀忠孝祠著有沈侍御存奏巡閱錄入閩總賦

游擊戴先生象



先生名廣字聞廣文學生中嘉靖己酉武科弟二生有異稟膂力絕
人家故饒時倭寇內訌應募入軍散其貲以犒兵士從俞都督大猷
任同知環邀擊輒身先士卒所遇克捷張總督經題授柘林守備又
敗倭於吳淞擢游擊倭犯嘉興偕盧參將鐘往援克之旋以趙文華
視師江浙誣經翫寇殃民論辟所屬皆坐幾不免迫削籍歸牢落不
平之感悉寄之詩築室一區顏曰學圃因以自號招名僧逸士相倡
和七十餘猶挽強馳馬不衰卒萬曆乙酉年八十祀柘林崇功祠墓
在戴家行焦文端竝謨志銘著有征倭紀略

案 國朝纂修明史先生裔孫鑑上其狀於史館始得列名魏邑志皆闕而未載

舉人趙先生象



先生名中行字子與號定川宋公孫默庵後嘉靖癸卯舉人具經濟才邑被倭籌畫守禦甚備歲祲條陳振恤事宜悉見施行公車北上薦於嚴嵩泥之晉謁者不應促裝歸鶉衣藿會閉戶潛吟晏如也卒己未年五十一葬重號二十圖成圩著有定川遺藁

歸太僕有光題象贊曰料敵如神知足不辱睥睨羣寇脫屣州牧股掌羣倭以係鄉曲學問淹淡澹然無欲志節昭振厲末俗不朽如君子秋是獨

武德將軍錢先生象



先生名頌字石峯原籍浙江居鄉多義舉萬厯中以剿平龍游縣西
雲霧山劇盜上績授昭信校尉晉武德將軍尋棄去來游嘉定爲知
縣王福徵幕客因與邑人士講學論文從游甚眾先生亦樂其土風
淳厚卜居彭涇之右遂占籍焉歿後門人陶士彥爲之經并刻其遺
藁學者稱貞武先生墓在元號十七圖今其地隸寶山給事中申芝
芳撰傳

處士金先生象



先生名翊字廷贊號逸齋由羅店徙居東城孝事父母撫愛弟妹尤好施予卒隆慶癸酉年六十二唐先生時升誤行狀葬界涇王尚書世貞誤墓志

墓志略曰君居恆依窬前卽至邑請賦一二日則忽忽如失其最後乃愛以賦事如京師而報父卒君痛欲絕久之始蘇長號邸中邸舍兒掩耳而徙之他所曰吾曹何以寢食迫歸而淚墜不可辨矣少弟贊於孀家去舍之東十里許每遇東來人輒問吾弟識否今何狀一人誤謂君季某事急得錢如千緡而解未辦也君卽出錢授之其人心愧受語乃戲君耳君眞長者君同產女弟及伯叔女兄弟嫁而寡且貧者悉迎置之家而衣倉之急人之難甚于已

侍郎張先生象



先生名任字希尹號瀛峯居南翔嘉靖丁未進士仕至廣西巡撫初以都水主事督造漕艘積羨至八萬餘守袁州時嚴嵩家人暴橫一切繩之以法坐是官不遷嵩罷始轉參政按察山東及撫廣西屬境苦旱奏請蠲振勸諸蠻之爲民害者蠻平民請紀績新安汪侍郎道昆謨碑文勒肇慶府古崧臺體素贏以勤事夙萬厯庚辰年五十七贈兵部左侍郎賜祭葬殷郎中都謨行狀墓在廣福東南徐尚書學謨謨志王尚書世貞謨神道碑文箸有粵西奏議大征疏臺

欽郡巡按有奏議序略曰公在鎮歲餘黜浮冗蠲逋負蒐積寇有功德於粵西其善聞有所建白則又悉中機宜若各道職掌疏大計疏處土酋疏征十寨及條上善後事宜則其大者又曰公歷官中外淮冀揚越之間所至誦義無窮其德在然庶定策大征坐收全勝捷音馳布闕下天子用告郊廟風動四夷其功在藉鼎崇禱宏議以謀嘉猷入告於君出以聞於人今令其溼漫不形是掩忠義而關經濟之遺也烏乎可又曰昔諸葛武侯立不朽之業於二表槩之考公爲十寨計調度兵食紛紜旬日不暇給坐是功方告成而身亦坐斃其鞠躬盡瘁之心視武侯何讓

神道碑文末曰吾與張公交遊四十年齒已艾不失赤子心貴至列卿不改布素風富可埒邑封不增白屋飾節歷夷險百端不奪處女行

布政司參政侯先生象



先生名堯封字士隆號欽之夏號復吾由諸翟市徙西城隆慶辛未
進士仕至福建布政司右參政凡五典外藩卒萬厯戊戌年八十四
祀鄉賢祠報功祠福建湖南襄陽名宦祠峴山有專祠姚文毅希孟
誤傳葬上海之圓沙董文敏其昌誤墓志箸有水利志西臺奏疏臆
藻堂雅言鐵庵遺豪

侯先生萬厯初為監察御史清戎江閩彈治一壘吏中柄臣忌左遷監司備兵襄陽增築城隍
以捍水災活漢南人無算後移大名遇旱禱雨刻時而應人皆以為神三輔間稱侯公雨

太子少保徐先生象



先生名學謨初名學詩字叔明號太室居西城嘉靖庚戌進士仕至禮部尚書晉太子少保致政歸邑漕改折先生之力居多卒萬曆癸巳年七十三賜祭葬祀報功祠荊州名宦祠荆民去思又建徐太守廟墓在吳縣彈山陽王文肅錫爵謨神道碑文所著詩文合春秋億奏疏公牘為海隅集七十七卷又有春明橐歸有園橐世廟識餘錄

老子解

錢謙益列朝詩集小傳曰公詩文無體不備亦無體不工昌明博大居然盛世之音自開一邑風氣邑中從遊者別有駁職方襲方伯張大參唐布衣婁貢士皆其所獎勵誘遇以成者也故一邑文獻必以公為巨擘

錢少詹事大昕曰明三百年吾鄉先達官至二品者惟襲徐兩尚書襲以侍郎致仕加銜初未履任名列七卿表者獨徐公一人耳自成化周洪謨後宗伯非翰林不得預公獨起家郎署不由詞林尤為希曠之遇王元美與公書謂破格登賢為國家第一盛典鄉部第一盛事世俗嘗公更名結婚兩事更名本末公集中自記甚詳若申文定公與公同郡關部相去一間門戶相當豈有繫援之嫌文定既登首揆公即致仕里居終文定秉樞之日公未嘗再起揆之形迹亦無可議明季愛憎之口大率如此不足信也因讀公集輒為辨之

處士朱先生象



先生名纓字清父號小松性孝友志行高潔精篆隸擅詩畫父鶴舫始刻竹爲世寶貴先生紹其技更臻神妙朱邑令廷益表其廬曰練水逸民婁先生堅誤傳徐尚書學謨誤墓志著有小松山人集

摹志略曰君之父鶴號松者爲人博雅嗜古而特工雕鏤之技其所製簪區圖刻諸器爲世珍瓶有得其一器者不以器名直名之曰朱松鄉長子能世其業人呼曰小松生而聰穎絕人即襲松鄉之技輒能師心變幻務極精詣故其技與松鄉益臻妙境自簪區圖刻外旁絲花草人物間仿唐吳道子所繪作古仙佛像刀鋒所至無論肌理膚髮細入毫末而神采飛動恍然若見生氣者鑿古之士咸謂其工非人間所宜有而君亦雅稱其技不輕爲人露指有以貨于之者輒不應卽應之必不受迫促而性復嗜酒至卽稱不醉不止以故日無餘晷須臾至始一運斤主於自適而已人以其難得益愛重之而疑君者以爲僞或訶讓及之君漫不屑意會令欲購君圖刻爲賂遺其君不爲理令怒而捕君君竟逃去不復顧其家已太倉王先生爲之居間得脫而君終不爲令屈也不知君者謂君以技重而知君者則謂技以君重非果於遷世者歟

徐文學允祿誤獨行傳略曰聞仿王摩詰諸名家所畫山麓雲樹就盆景中極其神理紆曲盤折盡屬化工他人卽竭心效之終不能及又云禹州徵王聞其名託容致幣召之謝客曰臣纓井姓耳鏤草柴門則有餘曳榻王門則不足王亦安所用之晚得疾嗜酒不止家間喻之清父高唱曰來本無妨去亦得何人不是遠行人疾亟召其子稚美教誡牀下曰吾生平所得頗能立於嗜欲之場爾輩無忘我志

郎中殷先生象



先生名都字開美一字無美號斗墟又號海岱居北城萬麻癸未進士仕至兵部職方司郎中調南京刑部罷歸邑漕請永行改折代草民疏又上書漕臺請止兌運尋有旨報可遂著為令卒乙未年七十二祀鄉賢祠報功祠墓在項涇西王文肅錫爵謨墓表唐唐先生時升謨志銘著有等邊疏十笏齋彙爾雅齋集酒史

墓志略曰先生出守夷陵州夷陵當走蜀道羣山斗絕造天徑裁容足下臨不測之壑過者懸車束馬相引而行魂魄怖懼目不敢旁視先生開道九千餘丈壓者廣之仄者削之鑿者棧之開闢之險至是若康莊焉國家下兩川之材所至發民輸輓千人唱萬人而先生謂艱塘望荆門江流迅迫勢不得用多人歲省夷陵之夫八百故事蜀鹽不得入楚而楚人實利蜀鹽終不可禁小民常乘風雨晦冥載鹽下峽以避運者暗中觸崖石人船破碎漂沒不可殫數公諒律有生擒餘鹽勿問之條但當禁方舟而來者耳自是迴流亂石間解腐特矣在州兩值大計夷陵治行常為天下最已丑遷職方員外逾年為正郎北虜貢市已久虜王建寺於青海部落窟宅其中火落赤住牧春捏兩川入洮河殺一將而擄力克適西行因挾以為警勢七鎮騷動天子遣大臣經略西鄙中外上言兵事者皆欲滅此朝食先生獨計以今日之事惟是合一虜不相為用法當自解豈可以口舌擊虜邪蓋內條對便宜外示諸將方略率用此指其破虜數十萬諸部狼狽四散虜王假道東歸不敢踐一芻一束先生本謀也故功成而忌者愈甚會石公星為大司馬新視事虜酋哈不愜合案台吉會繼於黃賦口過人驟言虜至石公請發兵乘城及護通州粟先生知二虜必不為寇憤勿擾動為四夷笑待其疏不冒上已而謀至果獵耳石公大慚陰屬言者劾公有旨調南京刑部意猶未已以風指授南者功遂罷歸

舉人金先生象



先生名大有字伯謙號豫石處士翊子嘉靖戊午舉人少與王文肅錫爵齊名性長厚內行醞備父好濟人貲或不繼斥私帑以佐工古文詩辭卒萬厯丙子年四十四墓耐父塋文肅謚志

舉人金先生象

廩膳生金先生象



先生名大雅字伯醕號開石廩膳生師事從兄大有需次當貢讓於友累試不第究心軒岐所治輒效邑漕議改折先生與有力焉卒萬曆甲辰年五十八葬六都婁先生堅謨墓志

墓志略曰君生平於孝友甚篤父母偶有疾必朝夕侍側弟授室矣而一切田賦獨身任之嘗築室溪上罄其私囊乃克成後析善母欲屬之仲君終不以拮据之勞而有吝色諸姑之嫠居者四而三無子姓君迎歸與兄姦其晨夕以為常尤好急人之病有告以困乏未嘗不周之或為人貸後卒代之償至其所親厚尤唯力是視雖勞費不惜也

光祿寺少卿時先生象



先生名偕行字汝健號乾所由婁塘遷居北城萬厯癸未進士四川
道監察御史時饑饉半天下倭警日聞條陳八事皆國本至計既而
巡按山西追論巡城時事為御史吳文梓等誣劾謫合浦縣典史旋
歸卒丁巳年六十九天啟初卹贈光祿寺少卿

國朝雍正甲辰邑令趙向奎詳請建祠有司上戊致祭墓在華亭涇
西箸有迪民彝訓志學臺及西臺奏疏汪文靖疏為之序

序略曰琬讀公所輯諸奏凡二十六篇中間如論沈惟敬媚倭之姦以為陽稱封貢實許和親
并劾后星宋應昌李如松輩皆國家文武大臣不能練兵選將屯田積粟以衛封疆乃今日
議封明日議直駿駿乎又有和親之說不聞請尚方劍以斬惟敬首而反為曲辨隱諱其謂之
何又因雷震西華門極言晉奏說謂中不發加以小臣言事獲罪者一切禁錮而驥騫不分大
臣稱疾切懇請而蕭猶無別臣願視逐臣之才品為取舍如孟養浩鄒元標之直諫所當亟
用而中有沽名偏擲者舍之可也視大吏之賢否為去留如陳有年之忠鯁所當亟挽而中有
瑕疝可指者聽其去可也又言財警諸水也導之為江河疏之為溝洫則羣生成需其益若積
壅既久必奔潰四出而流害無窮單穆公曰絕民用而實王府猶積川原而為潢汙也其竭也
何必藏富內府而徒為潢汙之聚乎蓋公所爭者皆天下大計尚從其言有裨宗社非淺嗚
呼偉哉顧考神宗實錄既不為公立傳後來秉筆纂修者亦無從悉公始末是可歎息者也

知縣錢先生象



先生名春沂字仲與號一庵嘉靖庚子舉人德化縣知縣吏以羨餘進卻不受曰此百姓膏血也視事甫兩月苦奔走即歸放情詩酒人方之陶彭澤王高士道通誤傳

傳略曰先生為人孝友信義洪於濟物有負之者至操戈反鬪先生對之終怡然不校陶於酒嘗欲自旦及夕更達旦仍醒然歸林下二十年居恆有見郡吏鼓吹來迎為冥官先生斥之曰去勿惑世謹民也一夕坐堂上見郡吏迎如前遂卒



練川名人畫象卷二

布政使龔先生象



先生名錫爵字汝脩號石巖尚書弘玄孫萬麻甲戌進士仕至廣西
 布政使司右布政使歸老石岡卒丁巳年六十八祀永新名宦祠墓
 去尚書賜塋不數武唐先生時升誤傳并志墓著有論語解老子註
 華嚴疏入越吟

傳略曰公釋褐為江西永新令承新有尹尚書臺故舊門生遍天下聲談赫然其子橫行里中
 持縣令短長令視事時其家奴環立左右一事不如意紛紛誹語前令莫可誰何公逮繫之議
 罪有至重碎者尹為請不能得乃以蜚語入京誦貴人然公之精能者輩較下無傷也未幾尹
 病且歿以子孫為託公卒護持其家人以此益重公會大計治行為天下第二以政府未嘗
 識面故不得臺省為工部營繕司主事方營壽宮多所裁省尋改都水司是時漕河之議不一
 如聚訟唯司空潘公謂河強淮弱非人力所能為獨有以隄束水因水刷沙尚可得百年之利
 而難者議起公實贊襄之迄於成功輓輸通行慶無虞數十年所未有也滿九載遷廣東參
 政治徐開兼轄海南一日制府調集兵餉將問罪於黎人之流言稱亂者公謂島嶼小夷豈敢
 無故蠢動殆有冤不能言今已如蜂蟻屯聚若金鼓一震不得不糜沸騰以咫尺之書諭之不
 從而後用兵夫何晚及廉得其情乃珠池後厓有山田數十萬頃黎人失業所出為強宗蠶食
 過半無所告訴不勝忿懣耳公為調理其田羣黎稽首歸命海內外晏然無事矣遷廣西布政
 使明年中考功法歸家十載以林壑自娛口不及寵辱得喪之事
 案程志云墓在二十三都一圖藏圩誤

文學士徐先生象



先生名允祿字女廉文學士通經史學留心經濟持論具得要領家貧妻子倉穰屢敝衣竹杖掀髯談笑豁如也卒年六十二唐先生時升誤墓志所著易說及詩書春秋三傳說皆失傳傳者史論一書自周威烈王至元順帝凡若干卷又有思勉齋文集門人潘潤梓行

錢謙益曰女廉口語期艾談及古今節義與軍國大事攝衣整冠辯論蓬蒿丙午試鎖院表題失格姻家某思屬外簷為終試地女廉正色曰鑽徑齊壇場屋得一舉子喪吾徐女廉雖外不為也明日拂衣徑去
王貞憲泰際曰西安徐子卿令海上重先生為人思所以振其貧擇一捍綱事命具千金為壽得先生一言當貧外先生謂果如此必當撓法我甯貧外不求法外升斗水生活我也力御之子卿由是彌敬先生

處士唐先生象



先生名時升字叔達讀書上下千古負幹濟才以布衣為海內所重
 晚歲雖棲心莊列而論及國家成敗興亾之故精悍時形於色卒崇
 禎丙子年八十六祀鄉賢祠報功祠明史列文苑傳墓在南城外管
 有三易集

大谷王編脩衡曰叔達少以異才名未三十輟去舉子業偕余至京邸時東西擲兵萬里外羽
 書情形不可測叔達衡逆斷其非是已而果然問何以知之曰觀古人某時某事類此竊意之
 耳酒酣氣振往往將鬻大言使吾而得志其為李文饒平家持田百畝與孤姪穿妹共居京邸
 兩年盡脩脯濟貧交歸錫舍後地數畝時翦種松菊自給而已又云叔達作世俗酬應文恥為諛
 詞每不能當人意及其論利害寫情景名言續紛莫能及也今天下詞壇書棟百倍往昔頗有
 清真絕俗彷彿此語者否吾乃知天下文章氣節未必遂無古人要以古人生今時必不能取
 世名亦不肖自為名以此相天下士皆如此矣

布政司參政張先生象



先生名恆字伯常號明初由江橋徙居南城萬厓庚辰進士仕至江西布政使司參議晉右參政以母老乞終養歸卒庚戌年六十祀江西名宦祠鄉賢祠附十三都致圩父杭墓侯忠節嗣曾撰志著有因明子兩浙恤刑題豪明志豪長吟草

墓誌略曰公為政務清淨簡易用曹平陽之法每片言折獄兩造不煩徇春今建昌人猶稱太守張半升云守茶陵時闕者禁民毋入庭除公輒縱之入使赴愬者得盡其意守興國時與其鄉人吳明卿先生善以詩文相和而民有訟明卿之兄者竟以法繩之官比部時獄兩浙宰以重囚屬公公卒案無赦守建昌時益王好文頗為公折節而公遇事必獄獄爭舍人子皆戢距有相國以湖利為小民競公浚歸民兩臺有難色公持之如故盱江故有橋稅中璫銜旨益之公亟白中丞夏公云故事太守私羨縷五百餘但使此利不入太守囊即不加而足民以不擾夏公嘆重之公嘗白一無罪之士為焚其詞士以莫夜謁闈者獻金公大詫曰若洵無罪願以金汚太守哉太守今罪若矣立麾之而櫪闈者先是狂與國有新安賈人訟得平反置金輸廩中以進亟叱遣之公潔廉能慎獨如此公守一職未嘗不盡心夏中丞舉江右衛吏必以公為第一吏民懷之累遷不使去其地故終公宦游不踰江楚嗚呼殆所謂專天下之士以獨惠茲人者歟

歲貢生婁先生象



先生名堅字二堅一字子柔號歇庵原籍長洲由江東徙居南城歲貢生經明行修擅詩古文詞尤工書法卒崇禎辛未年七十八祀鄉賢祠墓在石岡門橋東莊涇嘉慶壬申秦員外郎溯萱重修立碣箬有學古緒言吳歛小草

案錢少詹事大昕疑年錄謂先生生隆慶丁卯卒崇禎辛未年六十五瞿理問中溶跋先生墓誌後云吳歛小草中除夕詩有爆竹聲中開入套且將皓首微朝榮自注白公有生年七十一行開第八套句則先生壽不止六十五明矣又據學古緒言中朱濟之壽詩引濟之長子九年甲辰之歲六甲一周沈用燭六十壽詩序言長其三歲而用燭墓志生嘉靖辛亥又祭曹昭服文十年之長以兄禮事昭服行狀生嘉靖癸卯以此推之先生生嘉靖甲寅無疑卒崇禎辛未見松園詩老耦耕堂集又案邑中金氏臥游齋藏有四先生畫象城南張氏砌石於平蕪館於先生象側誤題程先生以程先生誤先生皆未經改正而是集所刻則惟先生象照金氏本餘從他處臨摹故與張氏所刻不同

侍郎歸先生象



先生名子顧字貞復號春陽太僕寺丞有光族子居東城萬麻戊戌
 進士官至南京通政司使詔加刑部左侍郎致仕天啟初邑漕議復
 兌賴先生告政府及戶部陳情激切得免卒崇禎戊辰年七十祀鄉
 賢祠報功祠族子文學莊謨行狀黃忠節涇耀謬傳墓在徐塘橋西
 著有詩文集工垣奏疏刪正通鑑綱目及備我天鈞等集

傳略曰公給事工科會正陽門樓梁上疏切諫謂青宮較講六年矣中外皇皇輔臣請之不得
 禮臣請之不得南北臺省諸臣請之亦不得及閣寺出一言利之疏則朝上夕報夕上朝報是
 不且輕國本而重傷天下之心乎章奏一切覆閣則是非邪正不復有所建白進退子奪不復
 有所剝裁安危緩急不復有所倚仗遂使政體懸於上仕路懸於下財懸於帑因鬱於獄此四
 變者非所以滅凶而召和也故早魁未除災火繼作陛下何不仰體天心一日盡舉實政首令
 皇太子出閣講學亟發一切章奏以消去天下之鬱則何禱不應何災不禳豈不聳宗社無疆
 之福哉又連上章請飭紀綱以嚴實效釋門戶以破嫌疑召致舊臣趙南星鄒元標等以定國
 論速完福藩府第趣遣之國以一羣心調振災傷之民以培根本節水衡浮費絕方士冒請以
 足國用又曰臣常言天下亂形已成陛下豈以臣言未必驗而不信邪榮夷敵愾之言驗而周
 轍不復西黨網罟之言驗而漢燼不復然范陽之變既作而歎九輪之先見則已晚靖康之
 難既發而緡陳瓘之抗疏則無及臣甚無樂乎言之一驗而居先見之明人主何苦峻御過計
 之言而撥必驗之醜哉上雅知公嘗題歸佛子三字於御屏蓋京師以公恬淡寡慾呼為佛子
 而語微禁中

奉訓大夫徐先生象



先生名兆曦字孺旭號少室尙書學謨子文學生由蔭入監以子元
嘏官贈奉訓大夫刑部員外郎馬文學元調謂太室之有孺旭猶東
坡之有叔黨隨父宦京師聲譽翕然善詩文與龔布政錫爵結社
及書畫卒年四十六箸有嘯臺名飲等集

總兵錢先生象



先生名世楨字士孫號三持萬厯己丑武科進士仕至薊遼鎮總兵
 官先生為蘇州衛前所鎮撫時朝鮮被倭朝議發兵東征經略宋應
 昌疏加游擊銜隸前鋒倍道渡鴨綠江至平壤城都督李如松約先
 登者賞萬金酬世襄指揮使先生率七百騎克之遂北過大同江斬
 倭驍將而還主者漫其功性耿直屢起屢躓未竟其用卒於家張貢
 生詩誤傳著有東征實紀其射評一書侯黃兩忠節序之

王貢生輔銘曰公本儒家子文章擢筆立就尤善騎射多戰功當其克平壤也斬一白袍絳領
 倭將王者詰問姓名公無以對遂漫其功因作軍中謠曰行營只自依旗鼓接刃何嘗問姓名
 當戎馬倥偬而信口自鳴其不平大有英雄橫槊之概

都事金先生象



先生名兆登字子魚號羣玉居清鏡塘萬厓壬午舉人十上春官不
 第以耆德授都察院都事天啟甲子邑漕奉部劄仍兒本色合邑惶
 遽先生集同志任公移文稟之責傾家資擇材幹者齋蔬蓬闕下得
 復折卒崇禎戊寅年八十二松圓詩老程嘉燧誤行狀祀鄉賢祠報
 功祠葬界涇之祖塋錢謙益誤墓志箸有攸好錄談諧隨筆及福持
 堂存稟二卷

狀略曰先生借計吏北上夜凸其憂有司窮治勅主家賣藏以償先生私諭其人而縱之曰吾
 失盜不過旦夕窘耳誠不忍狀數口之命以完吾憂也生平尤好行德而恥言利凡耳目所擊
 有所施予皆非其人所望然亦不欲使人知也而於師思友誼尤篤焉
 案臨雲堂樸錄曰先生嘗於大雪中過黃河遇河干僵臥者氣猶未絕昇諸舟裹以重衾初嘆
 咽不能語既乃知浙人計偕者同載入都浙生即於是科獲售仕至家宰數貽書招之往以母
 老辭乃遙授都事亦不赴趙方尹撰記又載浙東周某授經張儀曹伯隅家塾未半載以不合
 去先生念其貧雷之終歲歸復厚遺之某感泣而別後以鄉貢官蘇州來選入署備極款洽臨
 別贈以金堅卻不受其長厚如此

衛經歷黃先生象



先生名世能字濟夫號敬塘以掾吏補平涼衛經歷參巡按董國光
軍事命率騎數百偵賊先生謂偵賊不宐多人國光歎曰經歷知兵
吾不及也由是器重之委署崇信縣事又署安定革浮費八百餘金
以廉直忤平涼司理楊某陰中以法罷歸巡按顧其志怒曰經歷廉
吏也并劾罷司理先生未離平涼而楊亦失官矣卒年六十四祀崇
信名宦祠有功折漕祀報功祠孫涪耀誤事略陸文學時隆誤傳墓
在西城外接官亭後

傳略曰先生開敏有才不自用務以誠待人稱爲長者嘗攝平涼司獄一四年十九所坐皆
二十年以前事曰豈有人枉母腹便爾作姦者邪白於當事釋之靈臺縣敝官吏有以反聞議
發兵撲滅先生曰事起小忿官司散成之渠魁不過四五人亦非一軍盡及也但案兵於此當
自解散遂輕騎往訊之果非反諭以大義首惡願伏誅縛數人而事定

文學生王先生象



先生名道通字晉卿文學生居羅店讀書負氣節躡躑以終卒崇禎甲申年八十餘學者稱簡平先生嚴先生衍志墓有簡平子集十六卷同邑張德一譔序序後撫先生自序及朋輩論次其生平行事本末凡二十四則可以見先生稷槩矣又有雨餘茅舍集

墓志略曰簡平為人有四篤十反其事親也篤於愛其事師也篤於敬其交友也篤於義其臨財也篤於廉此四篤也
好讀書而不惜卷帙好山水而怯於登臨好飲酒而不喜羣酌敬者老而憎祝壽恤外而厭巾裳睦於鄰里而不通世俗亦愛功名而甘守貧賤崇奉官長而恥言干謁上論千古好稱管樂之事功荆璫之節俠嵇阮之曠達而言行信果又近於歷歷之小人守禮飭躬窳欲遠色可使寒女坐懷而填詞度曲寫怨言哀則綽約婉麗絕有倩寢此所謂十反也
臨窆跌坐口吟謝世曰呼兒曹聽吾屬我歟後慎勿哭八尺棺一寸薄勿受金勿受輜蔕我先生墓之北老巖打鼓阿源蕭仲苑琵琶復我前大笑風前關一場掃盡人間一團俗案先生以經濟自負雅不欲以文章名而文極古茂師沈寘喪衷麻三年入其室終身不敢正坐居親喪謝邑令三賓往訪辭固請乃不易服見

太常寺少卿侯先生象



先生名震暘字得一號起東晚號吳觀參政堯封孫萬厯庚戌進士
吏科給事中以疏攻客魏左遷歸卒天啟丁卯年五十九崇禎中卹
贈太常寺少卿祀鄉賢祠及永折報功祠箸有天垣疏略

案先生在吏垣時客氏方擴寵既進出宮復宣之入先生草疏極諫謂女德無極高明不祥陰
下即為客氏富貴計亦當早加裁抑曲示保全不致格外隆恩寵以益之毒且陛下始而徘徊
眷注稍遲其出可也出而再入不可時出時入尤不可官闈禁地恣黨羣小卑階睨其側內外
鉤連則借叢煬竈有不忍言者昔王聖寵而爛江京李閔之姦趙嬖寵而權曹節皇甫之變疏
貽宗社實可寒心此陛下之殷鑒也疏上內傳重慮賴輔臣救得免嗣會違事棘經略熊廷弼
巡撫王化貞相狃宿兵部尚書張鶴鳴石化貞諫者欲令盡地任事先生疏言事勢至此宜遣
問經臣果能加意訓練則進止遲速不從中延避撤撫臣一以付之無不可者不然督其條析
陳奏以聽吏議撫拾殘局專任化貞不則移廷弼密雲而出本兵為經略鶴鳴威聲著其條析
事取同罪不若挺身報國不則以經略授化貞俾沈沈有謀者代任巡撫以資後勁不則直移
廷弼於登萊終其三方布置之策與化貞水陸相犄角若復遷延必債國事疏下部立撤一人
幸驗矣為今日計論法不論情河西未壞以前舉朝所借者十七在化貞河內既壞以後舉朝
所寬者十九在廷弼今不能為化貞惜廷弼寬也策撫臣者謂安責令仍赴廣甯聯屬西虜然
詹庫已竭其能赤手效包胥乎策經臣者謂安仍真守關然所謂守者將如廷弼前議三十萬
兵數十萬餉以收全局乎抑止拮據殘卒置之關外以姑示不殺乎凡此無一可者及今不早
定逃臣之律殘疆其奚賴焉其後治失事者罪益不越是疏云尋以糾關臣沈淮結納客氏及
魏忠賢為朋黨且發其構殺故監王安狀疏午上申奉內批調外及陞辭又上田賦河渠二議
以逐臣不當建議再鐫二級歸先生在吏科纔八月疏凡三十餘上率係國安危詞最切直

舉人李先生象



先生名流芳字茂宰又字長蘅號香海又號泡庵晚稱慎娛居士居南翔萬厓丙午舉人再躋春官嗣以璫餼方張遂絕意進取築檀園為讀書染翰之所卒崇禎己巳年五十五祀鄉賢祠明史列文苑傳葬上樅浦東錢謙益謾墓志著有檀園集謝邑令三賓合唐婁程詩文集刻之為嘉定四先生集

松園詩老曰長蘅書法規撫東坡畫出入元人尤似吳仲圭詩彷彿斜川香山晚於格律更細

朱文學子表東塘曰劉云天啟時吳人建逆魏生祠官吏爭趨風往拜邑令四明謝公問於先生

先生曰拜是一時事不拜乃千古事令感其言遂不往
崑山徐侍郎秉義序陸知縣廷燾重刻檀園集略曰四先生皆私淑震川而蓋昌其緒言餘論
傳至近世學者知薄浮華之習而崇尚大家者四先生之功為多長蘅先生之高風逸韻詩古文詞及書畫前輩所以稱道之者備矣乃予聞之故老所傳述其人孝友信義執德不回則卓然篤行之君子也以此推重於世不獨文章翰墨而已


府經歷邱先生象



先生名繼武字起葉號昭茲居沙岡太學例貢生選醴陵縣主簿陞
威遠府經歷未赴畱解南糧道榷爲張獻忠所執大罵不屈斷其舌
并支解之時崇禎癸未年六十六祀忠孝祠

錢忠節壽樂書事曰方闖賊流毒全楚楮紳從賊者相望不知恥耐何人斯耐官卑可不外已
陞參軍無地方責可不外地方贖金謀脫稍噤其口可不外授以永州道得富貴可不外然而
竟外官雖卑有責於官者人雖外有生於生者視世之高官而儉生者何如也
案先生解糧之長沙道榷賦民官議之同事諷之去先生誓與糧俱存亡既而竊胥陳正光逆
杓張清甫獻米於賊并執之居民感其忠贖三百金爲營脫計先生不可賊知之好謂曰方餓
永州道今日相從明日富貴矣罵如初遂遇害於龍灣寺民卽於寺側葬焉

巡撫孫先生象



先生名元化字初陽號火東由八都徙居城萬麻王子舉人漢沈警
 敏饒文武才少壯博極羣書凡兵農律厯笏及制器之法無不精審
 荐歷樞漕備兵遠左仕至登萊巡撫崇禎壬申吳橋兵變自刎不殊
 銜冤就法年五十子和鼎和斗詮次行略文文肅震孟誤傳祀鄉賢
 祠墓在陽號二圖荒圩箸有遺集百卷徐知縣時勉誤序

序略曰公三子受侍行聞故其文序次無譎効後長次兩君又以十年飲血之痛句稽餘膾
 剔徵佚發明當日成敗利鈍庸臣掣肘誤國之故而公所以竭志畢命於遼事者亦若燭照數
 計平生志業氣節詳刊册所撰紀事而公文夫侯府德之狀黃陶庵之記又歸元恭之傳皆可
 采補國史至於著述皆其忠孝至性經濟根本所在當使天下共見之
 黃訓導汝成跋公集後云公少負經濟長於用兵火器尤精職勝守固沒策疑先往往不蒙髮
 爽其持論則切剛著與隱卑見為世所羨嫉至撤海島疏上中樞持橫豎之說歸帥成反覆之
 勢主知未固臣立已孤不待吳橋之變登城之賊既至固已無日矣議者以主撫答公不罪
 公是時公方以言事失中樞意機空之疏不以時上督發之功不以時下多方排擠以成外罪
 近待又以監軍之外喚公環泣上前爰書既具不惜溲公之功甚公之罪以誣公於外也嗚呼
 封刀就無人情可見事不可為歸外司敗始終之間可慨然矣
 案先生為職方主事時疏請保護國本疏救楊忠烈又為六君子經營身後事魏奄銜之矯旨
 間住幾罹不測吳橋之役朝廷以事由激變責令招撫旨為御史王道純所匿不即頒兵遠潰
 渡海待罪思陵遣中使驗劄痕無殺先生意次輔溫體仁欲藉以傾宏與屢進密揭遂及於難
 臨刑風雷起足下黃霧翳日地震殷殷徐文定光啟曰此足徵登撫之冤矣

郎中徐先生象



先生名元嘏字爾常號湛修文學生尚書學謨孫由廕入監授太常
寺典簿歷官刑部郎中魏闡擅政時於善類多所保全以禁獄逸囚
上欲坐刑部尚書喬允升大辟引律爭之忤旨革職拜杖歸董文敏
其昌以世忠顏其堂唐先生時升譔記卒年五十六天啟中復漕賴
先生力得復折祀報功祠墓在項涇祖塋著有西臺疏稟刑部獄記
啟秀堂世忠堂等集

文學生嚴先生象




先生名衍字永思號午庭又號拙道人文學生精易理通史學補資治通鑑三十年而成人材政績逸於舊本者闡揚殆盡工書未嘗濫應卒順治乙酉年七十一祀鄉賢祠墓在十都今隸寶山

國史有傳陳貢生瑞徵錢少詹事大昕竝為誤傳著有易說四書說名谿亭問答及詩文集

案先生幼孤母病瀕天願減算以代有同祖弟四歲喪父卵翼之四十年不知任徭之累有族兄弟爭構嚴先生遺書勸解懇懇數言兄弟感之相持泣下歡好如初因裝潢其書以示子孫再從兄弟為仇家所中繫獄罪當碎為力辯其誣事得白同白者四人各持金為壽笑卻之一友貸先生銀比償皆廢者投諸淵戒子孫勿洩為人利易可親而勇於從義當事數忒虛道請幸無干謁有偽作先生啟自薦於謝合三資令遣吏詢遂作真啟薦之其長厚多類此天啟中瞻儼薰天建嗣伏石致厚幣徵書丹不應亦不及獻

文學生嚴先生

忠節侯先生象



先生名峒曾字豫瞻號廣成太常少卿震陽子天啟乙丑進士仕至
 通政使司左通政清剛絕俗以節義自許甲子歲邑人疏請照舊永
 折稟出先生手視學江右勵風俗絕要請黜宗生之歲試不至者忤
 蓋王意王卒無以難之分守嘉湖靖漕卒亂搢紳某擅殺人案治無
 瞻徇行部所至貪吏革心時建德鄭公三俊掌銓衡舉天下卓異吏
 僅五人先生與焉乙酉守城殉節年五十五

國朝通諡忠節明史有傳夏忠節允彝誤家傳祀報功祠墓耐參政
 鑒著有仍貽堂全集

案吾邑夙難之烈莫有過於侯氏者先生壯水二子玄演玄潔從李子玄緝凶命夙折之靈隱
 寺弟雍瞻丁亥夙陳忠裕難時母龔太恭人先自縊妾劉氏婢陳徐與長春相率以殉義僕從
 夙松江者六人僮兒朱山飽超陸二李愛其詭言身匿忠裕甘代主夙者劉馴為九焯云

徵士張先生象



先生名鴻磐字子石號忍菴兵部侍郎任從孫文學生崇禎末部議復兌邑漕五萬石以佐軍需時江南游饑邑中尤甚先生蒲伏闕下得永折當事以人材薦不就甲申後跣弛自廢卒康熙戊午年八十六祀報功祠藝亭張進士若曦謬傳墓在南翔鎮西伐圩箸有詩文集八種

案先生力疾入都時適有旨禁民疏刑部尚書徐公石麟與先生有舊乘間以請得準封進下戶部議請救漕撫察產米處所抵足原額具覆時總漕史公可法撫臣黃公希憲遵旨會議米一石折銀一兩解往天津買米輸納奏上奉旨嘉定漕糧照疏改折別縣不得妄援著為令是役也徐尚書凡七造戶部尚書之第復爭之朝房先生嘗慨曰若無徐公則無嘉定然無先生何有徐公自徐官保學謨初議改折至是六十年中經反覆不一先生隻手回天迄今不易烏係始之先生終之於桑梓實有再造之功也

卷之三

國子監生侯先生象



先生名岐曾字雍瞻號廣維忠節峒曾弟以文學生遊太學中崇禎壬午副榜性矜貴敏姿博覽名與兄齊柄文章名教者三十年獎掖人才甚眾忠節既殉奉母隱居廠頭順治丁亥為陳忠裕子龍亾命坐累被逮不屈外年五十三事詳季子涵所撰行實類略學者稱文節先生平陽汪永安邑陸文學時隆俱為誤傳明史坳忠節傳康熙壬寅奉

敕建三忠祠與父兄竝祀俱葬圓沙祖塋有著述十種

案汪傳謂先生中壬午副榜陸傳謂壬午科既錄索二場卷佚去因置乙榜卒為大學生而汪文靖號為先生長子也汪諱墓志云壬午朝議復邑漕借張先輩湖聲語關陳疏說如所謂是歲以監生中順天副榜觀此則父子同中南北副榜矣乃邑志科貢表僅載玄汾名三忠祠題名稱先生為副榜太學生蓋明制同中副榜者合疏乞准貢始得稱副貢先生先生殆未與疏請故仍稱太學生歟邑志稱諸生亦不合

進士王先生象



先生名泰際字內三號研存又號足庵崇禎癸未進士乙酉後隱居東郊當事數趣之出不應嘗有書懷句云生守終身前進士死丹片石晉遺民足以見先生生平矣卒康熙乙卯年七十七學者稱貞憲先生祀鄉賢祠張徵士雲章誤傳葬寶山宙號三十九圖藏圩王侍講與堅志墓簪有周易翼注冰抱集

進士王先生象

國子監生金先生象



先生名德開字爾宗國子監生都事兆登子以文行世其家乙酉城陷危坐室中手持家訓兵至不爲動將刃之其幼女嫁南翔李貢生昂者適以家破還倉猝間以身翼父皆醢之斂時莫辨盛以一棺時先生年四十六妻侯氏太常卿震暘女子文學起士堪士仲士起士妻李氏同殉事詳朱貢生子素乙酉紀事哀貞紀略及陸徵士元輔爭光錄諸書著有貽翼堂詩三卷

忠節黃先生象



先生名涪耀初名金耀字蘊生號陶庵平涼經歷世能孫崇禎癸未
進士自弱冠補諸生隱居教授二十年績學求道以聖賢自期箸自
監錄知過錄後更爲日麻晝所爲夜必書之偕同志爲直言社以改
過遷善相勸勉試禮部時要人示意欲薦爲榜首峻卻之既釋褐不
謁選而歸乙酉守城殉節年四十一學者稱貞文先生
國朝通諡忠節門人侯貞憲涵謨行狀明史列儒林傳葆龍號三十
四圖劍圩大倉陳安道瑚謨墓表著有陶庵全集

案先生在京師與弟書曰體傳時人見鼎甲先上皆噴噴稱羨吾此時歎息無限天地間自有
數千年一人數百年一人今人必不可爲而必欲爲三年之一人何也

舉人傅先生象



先生名凝之字令融居陳涇崇禎癸酉舉人負幹略參吳志葵軍
王師於乙酉禽志葵降其眾先生獨不屈蹈海外祀忠孝祠



副貢生唐先生象



先生名培字自因廩膳生以文中崇禎癸未科副榜乙酉閏六月十八日李成棟統兵圍羅店冠服據几南面坐召不往且大罵因縛之去仍罵不絕口胷中六矢一槍外先數日惟痛飲朗誦苦宣撫傳人怪之事詳申副貢艇樸記

宋朱文學子素東塘日割曰乙酉之役培與其叔文學景曜及朱霞起義李成棟屯兵馬橋隔水語曰某等奉命守吳松今假道歸妻幸寬一面鄉民支洪陸文煥等載于謾罵成棟怒率兵混戰消遣銳卒渡東練祁鏡出陣後鄉兵潰初景曜與朱宏宇為鄰宏宇降景曜面數其罪復大書白牌立於馬橋南以諭成棟因主名捕殺之培率鄉兵巷戰被獲不屈外朱霞身被數創墮河外朱鯨為鄉兵首于是焚朱家橋一帶民居外傷千餘人事與申副貢樸記小異

文林郎孫先生象



先生名和斗字九野號窳園晚號鍾陵野老文學生巡撫元化仲子
篤於孝友乙酉夏弟和京夫婦外難乃與兄和鼎埋名著書時巡撫
部將多顯者諷之仕不應會貧偕隱以終經理侯忠節家事脫陳忠
裕遺息綽有古人風以子致彌貴贈文林郎翰林院庶吉士著有東
周通紀三傳分國紀事書學聖蒙石鼓文辨證國郵家冤錄

文學生侯先生象



先生名玄泓，字涵，號掌亭。文節岐曾子。文學生與兄玄洵及從兄弟玄演、玄潔、玄澗，皆受經於黃忠節。清耀時，目爲江左六龍。雅負文章經濟，尤銳求性命之學。入直言社，迨遭乙酉之難，家業蕩然。玄澗亡命浙江，名在捕中。先生念伯惟澗存，挺身就逮。嚴刑鞫訊，卒不白其蹤蹟。事定，復偕玄汭舉四世十四喪葬之。雖極辛苦，塾隘助子弟，毋忘忠孝。侯氏清風，弗墜先生力也。晚主慎交社學，使以高操旌其廬。力卻之卒。康熙甲辰年四十五子開國，撰行狀。汪文靖琬志墓，著有掌亭集、枕中集、玉臺金鏡錄。

廩膳生金先生象



先生名起士字懷節號臣喜太學德開子廩膳生與侯氏六龍爲表
兄弟筋躬砥行同講求性命之學及詩古文詞崇禎甲申闖賊陷京
師作哀國變詩凡千餘言明年夏與侯黃兩忠節共謀城守策應捍
禦日不交睫者浹旬先是焚兵船於東關外礮及衣棧幾殆城陷闔
門皆及於難益痛不欲生作後歿記卽於是秋悲憤卒年二十五箸
有蘭揚鵬化二草

文學生黃先生象



先生名淵耀初名金友字偉恭號谷簾文學生師事兄忠節悉得其緒論亦以品節自厲乙酉同殉於西林僧舍年二十二兩人口血濺壁間歷久不滅沈文愨德潛題其處曰雷碧

國朝康熙癸未

敕建二黃先生祠有司春秋致祭附兄墓錢文學棫誤傳所箸詩坵陶庵集

文學生金先生象



先生名堪士字幼輿未弱冠補文學生端謹能文章為太學德開仲子九鍾愛之乙酉殉難年二十一弟仲士方臥病亦延頸受刃事俱詳爭光錄及金氏家乘

案乙酉之難朱文學子素東塘日割及陸文學時隆記事皆言與者二萬餘人姓氏既不盡傳象妄不可攷矣無象而其名可攷者增載於此如龔教諭用圓與兄文學用廣弟用厚用廣妻婁子元昉元彬元韶用厚妻沈子元明元桂張擊人錫角暨妾何抱幼女並溺於屠城而外者為太學生陳長祚文學生龔孫培夏雲蛟朱元亮唐昌全馬元調王蘭朱家趙惟賢陶恕先潘大綸吳躍陳師文汪彥恆周鼎實朱公榮朱昂沈銀張京朱振川歲貢生王雲程大罵不屈妻及二女同殉長即黃文學淵耀配也而沈懷祖之子奎及沈惠唐預皆遇兵以身翼父先後於中藏匿河外者為劉滿格關外者為趙豐太倉補哨浦嶠引兵再屠時廉膳生宣衷恂復復聞以不離髮外妻妻張可衍鎮人馬胡陸文煥朱之奇朱鯨支洪支廉俱力戰於鄉兵既潰文學生經羅店文學生沈可衍鎮人馬胡陸文煥朱之奇朱鯨支洪支廉俱力戰於鄉兵既潰文學生朱霞集眾復戰被創墮河外執而磔者文學生唐景曜妻塘之戰文學生徐文蔚及杭文若毛定軍塚而復徵文學李杭之潰之姪恩貢生陟閣門為亂民所害嚴愛率先中流五百人殺李成棟弟於城南成棟園荷花蕩盡殛之屠城後葛隆鎮劉救王憲朱六郭玄孫小溪父子四人並拒敵於世嬰百戶吳之蕃起義不克被執於吳淞江口守城後於者翁事唐吞禹見於紀載者僅此餘俟續攷

傅氏義僕象



僕名永年崇禎乙酉其主凝之殉節子應龍纔數齡維持左右賴以
 成立遂延一綫之傳今傅氏合繪先世遺象侍永年象於幃末歲時
 之祭得耐會焉

案前明龔氏乳媪夫李松者媪已外布政錫爵才五齡父贈公可學為逆奴所戕利其產者咸
 甘心也松負以逃雨雪中行五晝夜抵金壇沈氏沈龔賦也以孤託之仍同臥起提攜浣濯諸
 猥瑣事一身任之以至於長且貴顯而松短衣力作如故幼後布政感其恩耐會家廟邑志又
 載任光祿環治庖者徐佩徐氏之僕鳳皆以護主夙倭難朱氏之王晉才張氏之敬山金氏之
 馮義事類永年皆足風世勵俗今附是象於明代諸名人之末當亦君子所取也

徵士陸先生象




先生名元輔本姓王故字翼王號默庵又號菊隱居新涇明文學生
為黃忠節清耀弟子入直言社

國朝康熙戊午舉鴻博應

詔入都詭以不入格罷辛未卒年七十四侯太學開國謨行狀韓徐
家行東北張徵士雲章謨墓志簪有思誠錄忠節序之又有十三經
辨疑及破異續經籍攷爭光錄菊隱紀聞菊隱詩鈔

秦文學立曰徵君學於陶庵每稱其進道之勇既殉國徵君懸遺象於書室晨夕瞻拜終身不
衰被召迫於當事之勸駕試前一夕夢陶庵書碧血二字於掌中示之故其罷也默有所受云
案先生嘗授徒京邸諸臣每承 顧問有俾典未曉者訪之無不詳對所著十三經辨疑朱檢
討彝尊經義攷多取資焉

歲貢生王先生象




先生名度字賓臣號樗園歲貢生豪於詩酒與俗寡諧初卜居塾巾樓旁自以得與松圓詩老前後提倡風雅為幸晚年栖僧舍貧甚門人張北田覲光數有餽遺一夕大雪中餉以酒啟戶視之僵臥不起矣為具槨柩葬之并編次其覆瓿集張舉人揆方誤傳卒年八十餘

趙知縣俞曰樗園浸淫典籍字義彙釋偏旁部分音韻反切無一抵牾世未有如此之精且博者及其停蓄出之如紙瀉水落紙萬言若不經思閱浚奧衍世未有如此之敏且瞻者然而蹟於文戰老困一椀破屋數間秀風上雨世未有如此之乏且困者

戴太學鑑曰樗園負才絕異自六經子史以及天文地理陰陽術數之學靡不貫窺綜核有叩之者原原本本信口立應腹笥之富世無其偶



孝子浦先生象



先生名同倫字開之少孤貧給事縣庭以養母兄弟皆資焉嘗割股
 療母疾里黨欲上其事力止之撫嫁二妹營葬兩世咸獨任之陳恪
 勤鵬年知蘇州府時獎之以額
 聖祖南巡舉耆老之政屢
 賜粟帛年八十五無疾卒張徵士雲章誤傳

孝子浦先生象

文學生李先生象



先生名聖芝字秋森又字仙照號衡霞明舉人流芳孫年十四遭乙
 卯亂民之難家五十七人殲焉先生侍母鄭適墓愷而免避之城城
 破遇兵母赴水歾先生被所掠至太倉尋脫歸同邑侯副貢玄汾太
 倉王太常時敏卵翼之因假王姓名煜入蘇州府庠為文學生後改
 歸本邑復姓李夏今名佐從父文學宐之訟倡亂者誅一人乃刺血
 繪父文學杭之暨母象具衣冠葬之順治庚子以奏銷案墨誤除名
 遂遊幕足蹟半天下留京師最久詩古文詞為時推重康熙戊午開
 博學鴻詞科當事爭相推舉已登薦牘會有忌之者交讓不果癸卯
 歲歸居東城幾二十年卒年八十餘著有衡霞山人集一百六十卷
 已轍佚不全所刻貞壺草亦歲久失傳

處士浦先生象



先生名鷗初名同德字居州一字浪臣孝子同倫弟躬耕黃歇渡之濱自號陶邴邴農負氣稟兀論古今成敗及忠孝節義事張目抵掌聲震林谷詩筆豪放與顧香王荃范遺民逸同叔超稱黃渡四布衣嘗製一大木櫺端坐讀易其中謂妻子曰生以貯琴書外作棺槨其曠達如此康熙庚辰卒年六十七墓在麟號二圖有碣箸有農圃破實勞安堂集

處士浦先生象

知縣趙先生象



先生名俞字文饒學者稱蒙泉先生明舉人中行五世孫康熙戊辰
進士定陶縣知縣備著循績以病乞歸倡淡成社卒癸巳年七十八
張徵士雲章謨行狀葬種杏邨張提學大受謨墓志著有治陶紀實
紺寒亭集


墓志略曰君生穎異久困諸生晚而登第文章風行海內莫不推為青領舊例嘉定漕米折銀
詔調江以南地丁獨嘉定以折漕不得與士民訴之巡撫既奏聞並邀譴免君及松坪學士有
勞焉姦民構大獄羅織君及學士皆落職久而公論獲伸復君官既受任以文學化導修學校
獎節孝不尙被而盜屏息度地浚三渠築成水著洩得無災潔己愛民定陶人愛且敬之自府
以上皆欲薦君而遽以病乞休既歸日課一編孀思著述與同學諸君舊為文社學以經史為
根以百家為證而悉準之經義詩文雅峭有古人骨力

中憲大夫程先生象



先生諱時彥字聖功號遂齋先世自歛遷居南翔監貢生候選州同
以子侯本官贈中憲大夫甯國府知府卒康熙癸巳年七十二葬張
涇崑圩吳文學且震諛墓志其略曰幼孤事母坐三十年猶戀戀作
嬰兒色痛父早亾誦歐陽公祭豐養薄之語每至失聲康熙乙卯迄
己丑歲游饑借里中同志設粥以振凡親友之賢者任以事貧者贈
以資歿者榿病者藥靡不周備四子侯本任正定府同知迎養官齋
偶聞敲撲聲瞿然曰甯不可已而已無可已而不已揭四語於廳事
之壁曰廉以持身勤以應事虛以受諍卑以下人晚年闢宅後地爲
怡園招素心人極觴詠之樂云

學士孫先生象



先生名致彌初名翺字愷似號松坪明巡撫元化孫入都客耿藩邸以詩受知

聖祖以國子監生假二品服充朝鮮副使戊午中順天鄉試越十年成進士改翰林院庶吉士會調漕議獄幾不免又十年復職典試山西授編修歷官至侍讀學士己丑卒年六十八

賜金以斂祀報功祠墓在羅涇祖塋著有松左堂集朝鮮采風錄及詞集若干種

張詹事鵬翮曰火東公推軍時偏裨多奇士後皆以功名顯有薦學士於東國以布衣賜二品服臨軒策遣士論榮之既成進士改官庶常入直禁省漸通顯矣邑茲民起折漕之難連湊去官聯發不測學士處之泰然吟咏不輟今所傳西堂和蘇語作九為奇傑獄漸解猶訟繫經年乃釋旋復官再進秩眷遇尤渥以侍讀學士殉於京邸學士為人不沾沾細行而重然諾急朋友假貸於人入手輒盡故家常貧而懷抱灑落不稍挫於憂患之餘風流宏長至今尚可想見也

王光祿鳴盛曰吾邑勝國諸前輩多以古文詞著鮮有及韻語者王常宗文守正派而詩棘塞不可讀嘉隆以降唐叔達婁子柔李長蘅徐女廉四先生師事歸太僕而詩視常宗篇什稍富真文黃先生繼之可謂盛矣要之精力盡於古文詩特縱筆而出非意所屬也國朝陸菊隱張樸村孫松坪張匠門趙蒙泉張南華六君子者相繼出皆彬彬具體而最工莫如松坪

國子監生侯先生象



先生名開國字大年號鳳阿初名榮貞憲涵子以國子監生試吏部
當得州判不就下帷虞山席氏親炙陸清獻公及公殉編次其遺書
行世又訂其師陸徵士元輔菊隱詩文集及爭光錄輯有經世導源
錄吳嘯詩文鈔野乘彙編張徵士雲章誤傳自著樂山居士詩文集
南樓日劄凡數百卷

國子監生侯先生象

庶吉士王先生象



先生名晦字服尹一字樹百號補亭貞憲泰際孫康熙壬辰進士翰
林院庶吉士假歸己亥卒年七十四墓在楊涇東金壇王尚書澍諫
志箸有詩文二十卷

墓志略曰公天稟剛敏才性警絕數歲握筆輒灑灑不休陸翼王徵君為黃陶庵先生高弟粹
漢經學公從之游領會指授觸類洞達才名詩起與同邑孫松坪趙蒙泉侯大年張西又張漢
瞻李秋森及同族賓臣稱練川八子

庶吉士王先生

徵士張先生象



先生名雲章字漢瞻號倬庵宅旁多樸樹故又號樸村由橫港徙居
 南城國子監生學問淹博為當代鉅公器重康熙癸巳以九卿薦
 詔徵北上彙纂尚書書成當得知縣不調選雍正癸卯舉孝廉方正
 亦不赴張清恪伯行巡撫江蘇蘇延主潞河書院二年歸卒丙午年七
 十九學者稱端文先生祀鄉賢祠著有樸村詩文鈔南北史摘要其
 南北史增注為李總督枬延至興化閱七載而成者

陳恪勤鵬年曰張子漢瞻所稱工於文者也乃謂此身不得聞於斯道不可以為文而不得為
 韓為歐非吾所病也此其所見變有超乎語言文字之外者
 朱檢詞彝尊曰雲章才也以貧游京師有貴人願得稱為弟子者不應歸謁節使又欲強其
 在門終不應也以是屢試有司不利歸愈貧然其守己益嚴義利之辨動以古人為師自事親
 而外孝養祖考妣盡子職益張氏世以孝友聞由來遠矣

處士錢先生象



先生名民初名樞字子辰號生翁居外岡受業於陸清獻為入室弟子期許甚至惜未竟所學卒康熙丙寅年三十九族子大昕謬行狀族孫塘謬傳長洲彭進士紹升謬儒行述葬澹號南一圖著有四書類編論學書存齋屢集

案先生早孤業書學賈數為鄉里所負慨然曰世多矣人亦其不矣者其惟聖人乎念聖人之於民亦類也聖名曰民間青浦有孔子衣冠墓齋戒往禱願為聖人之徒因夢一偉大夫謂子欲為學辭去漢以後書歸取四子書讀之年已三十矣反觀默識時有省發故事邑令初入境先宿神廟後入縣庭清獻令嚶夜宿吳興寺語里正曰里中有書生平夜中無可語者乃引先生見之與語大奇從公受學學益進越五年清獻既罷官先生往平湖見之與語多不合清獻問所由曰公從朱子入其從尼父入耳嘗與友人書云大學所謂知本者作聖之基也誠正者作聖之功也中庸所謂尊德性先也本也道問學後也末也即物窮理其病在於無本六經注我其誤在於無末論語曰君子務本本立而道生朱子以為學者不可厭末末本教人但學其末之治本其可得乎此未合乎大學也孟子曰堯舜之知不徧物中理曰雖聖人亦有所不知也朱子教初學者知既盡而後意可孟又云格物者窮事物之理如此則聖人之惑亂滋甚安得而誠乎且堯舜之知不能徧初學乎此未合乎孟子也又言今之學者不知追求孔孟之實而紛紛焉辨朱陸之異同合已芸人終亦必已矣其篤於自信如此

中憲大夫李先先生象



先生名實字玉如廩膳生家胡莊潛心理學為陸清獻高第弟子卒
康熙丁丑年四十八以子錫秦貴贈中憲大夫廣西太平府知府張
徵士雲章撰墓志銘著有學庸順文合當湖問答凡十卷

當湖陸震微曰先君子令譽所得士首推李子玉如亟稱之曰精學篤行君子自先君子罷官
家居李子時過從其所質正皆天人性命之理於宋程朱諸儒之書皆從先君子手授彈精蒐
討遂晰其原流入其奧矣洞然有真解後世陽儒陰釋之學不能為之惑也以故先君子有道
南之歎蓋其鍼芥之合似有天焉而非尋常所可窺測者且余觀其為人恂恂莊莊規言而矩
行動必師古人性至孝他事總無玷缺由其得力於存誠主敬之功居多嚶然以賢者
目之余之服膺於李子者至矣詎意先君子歿後無幾年李子亦遂化去理學一席豈平在存
亡絕續間良可悲也

中憲大夫李先先生象

國子監生張先生象



先生名觀光字漢昭築別業於北郭因以北田自號篤於孝友精醫
理學識該博以國子監生數困省試遂棄去與同宗徵士雲章詹事
鵬翀舉人揆方趙知縣俞朱徵士厚章陸太學道淮姪坳監生錫爵
及一時賢俊爲詩酒之會有北田唱和集卒康熙己亥年五十七卽
葬別業之旁張徵士謨墓志簪有學古輯要楊升庵彈詞注學吟草

附監生張先生象



先生名錫爵字擔伯一字中巖號鹽廬補吳江縣學生入太學以詩名故晚號鈍間詩老乾隆辛巳卒年八十二葬復禮鄉火圩錢少詹事大所誤墓志箸吾友于齋集二十卷采入四庫全書又有樸文二十卷

墓志略曰先生始就傳記誦兼數人外祖顏君茂名樸其頂曰此吾家陽元也弱冠與宗人南華宮詹同夫孝廉及朱菊庭徵士相酬唱杭志希古不為俗學兼就正于樸村徵士所得益博而醇中年以後絕意仕進長洲沈文愨公見其詩歎賞不置欲以代與屬之先生曰吾詩適吾性耳標榜非吾事也

王侍郎昶曰擔伯詩中規宏風宏雅不失先正典型自陸菊隱孫松坪請老云祖優游衡泌以吟詠發其性情同時莫逮也迄今六十餘年而吐屬維新古香映几淡衣大帶猶彷彿遇之曾孫彥曾黃聲壇姑譽美江湖知其胎謀者遠矣

附錄先生集

巡撫李先生象



先生名錫秦字瞻硯農由胡莊徙居南翔以金山衛籍中雍正甲辰順天鄉試充武英殿纂修議敘以知縣用任羅城縣知縣屢平劇盜及土蠻逆苗知鬱林州時勸墾曠土至三萬六千餘畝地故無溪澗至是石穴中忽湧泉丈餘灌溉不竭為建瑞泉祠事間賜御書惠潤田功額歷官至廣西巡撫卒

賜祭葬祀廣西名宦祠

國史有傳墓在紀王廟西延昌浦側箸有義甯紀略

毛知州大瀛曰中丞幼就隣塾前一夕主人夢一黑虎繞堂柱事與韓斬王相類少負異才長通翰略練習騎射戈矛超距之技宦游粵西不避艱險冒矢后剡平徭崗諸塞古之名將不是過也

處士周先生象



先生名顯字晉瞻號芝巖又號堯峯山人晚號髯癡居城南孤介絕俗種菜自給能詩擅畫畫菊及刻竹名聞海內

錢少詹事大昕誤周山人傳曰山人世居嘉定城南性磊落不羈而未嘗與物忤家無儋石而未嘗以衣食累人讀書不求應舉而於畫獨有神解仿古賢山水人物皆精妙尤好畫竹與甜落筆風枝雨葉無不曲肖吾邑自朱松蘿父子初始刻竹厥後沈兼吳之璠周乃始諸人皆精其藝山人更出新意山水樹石幾竹用刀如用筆不假摹本自成峭壑其筆法濃淡疏爽未稱動渾成畫手所不能到者能以寸鐵寫之當時以為絕品山人亦雅自負連刀時若綵髮未稱意難盡成亦斧以斯之富人慕其畫或致金幣不即得偶然欲畫畫成隨手乞人無於色人有延致之者或留半年數月或即辭去嘗游齊魯聞與單朱翁交相得朱將往江西山人附其舟歸朱之兄方令嘉定山人不知也抵吳門始知之不告而歸朱令異而往訪之避不見遂朱去任卒於蘇乃幅巾往弔而哭之其介特多此類少時嘗病創一夜醉歸逢老衲衣冠甚異出一丸藥啖之五藏皆煥忽失安所托經昔猶有異香自是痼疾盡去終身無纖介之疾年八十餘善飯健步不異少年乾隆三十八年卒年八十九
王文學鳴詔誤三藝人傳其一曰周顯工畫山水人物花卉俱佳而尤長於竹風雨雪月短長纖側皆入逸品識者謂畫竹一派近狂崑山夏太常而顯之奇縱變化有前人所未及者至於皺擦句掉恣能合度無論竹箚竹根淺淡濃淡句勒烘染神明於規矩之中變化於規矩之外有筆所不能到而刀刻能得之筆之妙在神韻其法度之變化向狂紙上顯之所刻出於意想所不及人無耳目屋無窗櫺樹有細點橋多略約俱非他人所能及
案兩傳皆言卒年八十九子見樓南陳氏所藏竹鎮紙款刻壬辰夏五十九芝巖制乾隆三十八年癸巳壬辰後一年即於是年卒亦應九十一太倉州志又言山人卒年九十七林貢生大中輯練雅小傳云年至九十八符云余十七八時猶共席見其豪飲若少年云

詹事張先生象



先生名鵬神字天犀號抑齋又號南華雍正丁未進士仕至詹事府詹事在翰林時

御製詩數賜賡和

上時亦俯和原韻詞臣榮遇從古未有前後邀貂裘文綺及

御書雙清閣扁額之賜乾隆乙丑告歸復

賜詩及金以寵其行行至德州遇疾卒年五十八祀鄉賢祠

國史列文苑傳沈文愨德潛謨行狀葬南城外葛家橋祖塋之側清

江漕督楊錫勳撰墓志著有南華詩鈔及樸文若干卷

沈文愨曰南華張先生官於朝矣人因其氣之清品之高以仙稱之南華亦自以為仙弗卻也愛佳山水裏糧往游糧盡而返無繫戀喜奕不來勝人客至常脫粟飯客亦不强置為人作畫十數紙頃刻盡或終歲不可得綜其生平取適而已長於韻語興到每得三四十篇嘗借眾詞臣試殿廷未亭午有投卷者眾曰必南華也眠之果然子偶於坐間見其詠雁字律體詩不半日上下平韻俱就不即不離與寄微遠即生平詩可知矣與人論畫謂右丞畫巨蕭散間逸全以韻勝後代精工嚴整無一筆無成見然彌近彌遠指點畫理無非詩趣自道所得評者不能異詞或曰南華金門大隱似東方生或曰豪氣似太白或曰超曠似子瞻而齊物我念龍尊仍似漆園散仙讀南華詩者過之人間煙火外可也


廩膳生徐先生象



先生名雲捷字天衢晚號怡松老人廩膳生先世自崑山徙居北城
藏書甚富過目不忒有以僻典徵者輒舉某書某卷以對十不爽一
尤以品節自勵生平一言一行悉籍記以攷得失卒乾隆丙子年六
十三薨來號十四圖著有安雅堂集經義一得皆燬於火

練川名人畫象

州同程先生象



先生諱文植字宮五號雪剛贈中憲大夫諱時彥孫國子監生考職授州同陸訓導鏡誤傳略云幼端重言笑不苟性純孝父玉山先生病革時先生適疽發於指懼重傷親心至腐落不以聞同里某貧無以斂其僕張吉願鬻身為主治喪具先生哀其義厚給之不受其券乾隆丙子歲祲煮粥振饑家無儲粟竭蹶以應尤人所難能其他善事靡不踴躍雅負鄉望人稱雪剛先生卒於辛巳年五十八葬吳縣景峯山祖塋

朝議大夫李先生象



先生名夢璵字登五號麥圃晚夏號業垣生平以詩酒自豪善畫山水乾隆壬戌進士萬安縣知縣歷任建昌樂安信豐臨川贛等縣署甯都直隸知州所至以廉惠稱後以墨誤入都起補湖北安陸知縣未赴卒於都中時歲在庚寅年六十貧不克斂金侍郎牲經紀其喪祀江西名宦祠以子廣芸官贈朝議大夫墓在屯橋之光圩箸有觀雲樓詩文鈔

朝議大夫李先生象

修撰秦先生象



先生名大成字仍緒號簪園以孝稱乾隆癸未進士

廷試第一授修撰以母老南旋歷主婁東平江鍾山書院母歿服闋入都充

國史館纂修與修

南巡盛典卒癸卯年六十二祀鄉賢祠墓在顧蔡灣來號十八圖潛

卷四十三

少詹事錢先生象



先生名大昕字曉徵一字及之號辛楣又號竹汀

純廟南巡獻賦

賜舉人授內閣中書甲戌成進士入翰林仕至詹事府少詹事督學

廣東以憂歸嘉慶壬戌重游泮宮甲子卒年七十七

國史列儒林傳祀鄉賢祠墓在外岡鎮火圩青浦王侍郎昶撰志箸

述十餘種為潛研堂全集凡二百餘卷

儀徵阮太傅元曰國初以來諸儒或言道德或言經學或言史學或言天學或言地理或言文字音均或言金石詩文惟嘉定錢辛楣先生能兼其成由今言之蓋有九難也先生講學上書房歸里甚早人倫師表履蹈粹然此人所難能一也澆於道德性命之理持論執中實事求是此人所難能二也潛研經學傳疏注義無不洞徹原委此人所難能三也正史雜史無不討尋訂千年未正之譌此人所難能四也精通天算三統術此人所難能五也校正地志古今沿革分合考而明之此人所難能六也六書音均觀其會通此人所難能七也金石文字搜求編錄於官制史事攷核尤精此人所難能八也詩古文詞早歲主盟壇坫冠冕館閣此人所難能者九也合此九難來之百載歸於嘉定孰不云然

知州毛先生象



先生名大瀛原名詩正字又萇號海客文學生以

四庫館謄錄議敍州同會太倉畢公沅總督湖廣表改與俱權漢陽
通判以憂罷再起改發山東巡撫惠齡遷督四川奏請從行擢中江
縣知縣嘉慶丙辰紀元再從威勤伯勒保平達州白蓮教敍功賞戴
孔雀翎晉簡州知州卒以禦賊失援被難歲在庚申年六十六從者
多力戰歿僕王誠歿九烈事

聞祭葬陰卹如

制祀昭忠祠孫嶽生謨行狀葬彭門涇婁姚先生椿謨墓表著有戲
鷗居集

教授錢先生象



先生名塘字學淵一字禹美號澹亭又號鶴原少詹事大昕族姪乾隆庚子進士江甯府學教授生平肆力於經史於聲音文字律呂推步之學尤有神解卒庚戌年五十六埶少詹事國史儒林傳少詹事誤澹亭別傳墓在淡號南一圖著有述古錄史記釋疑律呂古詠淮南子天文訓補注易緯稽覽圖注泮宮雅樂譜春秋三傳釋疑

錢先生畫象

文林郎錢先生象



先生名大昭字晦之初字宏嗣號可廬國子監生品誼端粹專力經史學以兄大昕爲師嘉慶丙辰紀元應詔舉孝廉方正

賜六品頂戴舉鄉飲大賓癸酉卒年七十以子東垣官贈文林郎浙江處州府松陽縣知縣葬淡號二圖字圩有著述十餘種詳錢氏藝文志先刻序列十種

朝議大夫朱先生象



先生名璋字季珩一字聿堂晚號皋亭廩膳生事親孝嘗剖股療父疾做黃忠節吾師自監二錄集古人格言懿行爲日監錄復自籍記所爲爲日剗工詩文書畫篆刻卒嘉慶壬申年五十六以子右曾貴贈朝議大夫徽州府知府葬菜號十八圖元和張舉人肇辰撰墓志新安胡主事培輩撰墓表著有春秋萃要歸硯齋詩文集

高安所主事... 朝議大夫... 天... 夫... 主... 事... 培... 輩... 撰... 墓... 表... 有... 春... 秋... 萃... 要... 歸... 硯... 齋... 詩... 文... 集...

朝議大夫朱先生象

布政使李先生象



先生名賡，字生甫，號書田。少從錢詹事大昕游，通六書、蒼雅、三禮，善屬文。慕許叔重之學，故又號許齋。乾隆庚戌進士，由浙江知縣，擢至福建布政司使，操行廉潔，上官忌其名，誣劾之作，置風篇以見志。遂自經。時嘉慶丁丑年六十七，閩士民林光天等瀝陳宦績，籲請建祠。

仁廟許之，並賜祠額曰：斯民直道之公。葬嘉興楊花浜之原，無錫秦侍郎瀛撰墓志，儀徵阮太傅元謨傳，箸有稻香吟館詩文彙。

阮太傅良吏李君傳略曰：君性廉正，自為縣令至藩臬，所在皆有惠政，得民心，感久而益篤。擢閩藩，甫二旬，有前攝龍溪令朱履中者，訟許私贓，總督桐城汪志伊必欲窮治其事。福州知府涂以翰承汪意，指挫辱之，遂以嘉慶二十二年正月十八夜自經。上使吏部侍郎照昌副都御史王引之理其獄，乃抵朱履中等罪。汪志伊與巡撫王紹蘭皆罷斥，君生平布衣蔬食，任監司無異寒儒，歿後無以為殮，鹽法道孫爾雅素與君善，經紀其喪，匱之歸也。賴僚友士民賙贈之力，君之子齒尚幼，依其親，儲徐氏居於嘉興，論曰：元在史館，欲纂儒林文苑，循吏三傳，儒林甫脫，棄俄奉，使出都文苑，循吏未之纂也。李君之事，既論定，上殊書使者奏中曰：賈吏洵榮衰也，故以賈吏名此傳，以貽史館之纂，循吏者。

資政大夫徐先生象



先生名樟字豫同號洪亞廩膳生雲捷從孫文學生以子經貴累贈
資政大夫山東濟東泰武臨道內行醕篤戚黨間相狹以誠有稱其
盛德者謙退若不敢居出所學啟迪後進始終無倦淡戒聲華標榜
尤以慎交游絕奔競諄諄訓其子精畫理通篆籀之學其餘事也卒
嘉慶庚辰年五十九葬寒號十三圖西鱗圩箸有諸子粹語鎮洋盛
教諭大士誤傳

知縣高公象



公名衍孫字元長四明人嘉定戊寅邑始建時公知崑山縣事將受代臺府重公才且念經始之難特奏畱俾任新縣公謂此五鄉之民久不奉條教急之魚爛禽駭耳請以八年九年之畸零二稅先後倚閣十年者助邑營造使民稍寬新賦納自十一年始秋苗減耗夏稅免增罷糾財司以絕橫斂立涇頑籍以示勸懲行之不三年民俗丕變公誤冊縣記有云民性一也胡昔頑而今涇轉移闔蓋自有道苟爲政者嚴刑峻法以繩之民有競心愈激而不可革若能撫摩其疾苦啟迪其趨嚮則良心善性孰不油然而生讀此足以見公之善政矣致仕日民不忍其去而畱之卒後肖象祀名宦祠子孫遂家焉墓在拱號二圖夜圩斷碣尙存

知縣節愍練公象



公名達字必亨新淦人建文時來知嘉定靖難兵入從父副都御史子甯族誅公度不免而妾黃氏方妊部民郭元宗者初以族人誣為盜公廉其冤釋之至是詣公請問遂託以妾曰生女為嫁其母女男則君子之以延練氏遂與妻某氏赴海歿比生男元宗不敢冒以己姓念邑稱練川而公為邑侯乃詭姓侯名居練子孫因占籍焉

國朝乾隆丙申追諡節愍祀名宦祠黃氏祀節烈祠

案節愍前任為樊侯鎮舊志洪武間進士建文辛巳由御史調任歷四年永樂初復為御史靖難兵在建文四年壬午則職官表內節愍在官歲月無從增人故都龔楊三志無節愍姓名韓志僅載入襟記中行以江西通志鄉舉無節愍姓名意其為承簿自趙志始據侯氏宗譜增入名宦傳程志議其削去樊侯傳內辛巳字在四年字永樂初字以混原人之蹟為非信史然趙志據侯氏譜有節愍在官歲月云建文壬午由浦城教諭遷知嘉定視事甫三月而靖難兵渡江赴海歿又言其妾黃氏守節至九十五歲卒韓志官司表言樊於洪武中由御史調任累陞至山西而政司是樊侯為洪武時知縣韓志名宦傳又言永樂初有詔徵用邑民請置不許則樊為知縣又在永樂時矣豈節愍赴海樊侯重以致嘉定官司表亦削而不存趙志當不誣之者當即節愍鄉舉無姓名革除之際忌諱正嚴以致嘉定官司表亦削而不存趙志當不誣韓志以為承簿亦屬傳疑程志喜越人短而不淡考為著於此又案明史列傳燕王即位縉子甯至語不遜際外族其家姻戚俱戍邊從子大亨官嘉定知縣間變同妻沈劉家河歿節愍字必亨或傳寫之誤

巡撫文襄周公象



公名忱字恂如號雙崖吉水人永樂甲申進士仕至工部尚書卒年七十三諡文襄吳中有專祠公巡撫江蘇朝以江南逋賦積八百萬命公清理乃勸平米法令出耗必均請頒工部鐵斛下諸縣革糧長之出入畸大小者設濟農倉以備不虞時微服適野訪民疾苦曾就倉邑西南鄉民杭氏舍今其地尚名周公村公念嘉定賦埒蜀邑奏令出布二十萬匹當米石緩至明年帶徵實用以寬瘠土之民也

城西思賢堂舊設公畫象以祀莆田彭尚書詔譔碑記

案文襄以江南賦重官布外復令納金花銀一兩準米四石布合蘇州一府計十九萬匹以我邑止產木棉民習紡織故全派嘉定而不及金花銀自弘治正德中太倉崑山割去六萬三千五百九十一匹實存本色布九萬五千五百匹折色布三萬一千三百五十九匹折色逐年起解而本色有額無完至萬曆間始取盈焉有詔督責甚至一歲完數歲之遺戶部又以準米一石大多一改爲八斗再改爲六斗且列入考成嚴督全繳尋奉準免一半之令每匹原編三錢免其餘填鋪墊八分計銀科算陸續解部 國朝順治九年部議將原編本色布改折八萬四千一百七十八匹折銀六錢康熙元年折色布又奉文改折一千一百二十一匹五尺六分四折銀五錢改萬曆四十七年賦役全書金花官布共銀二十四萬八千二百六兩七錢二分零今作兩項七州縣驗派當時師文襄遺意布專派之產布地方金花銀則長洲吳吳江常熟四縣應辦而未嘗有加於昔布銀則昭原編加二萬五千四百七十七兩六錢三分五釐矣

府同知任公象



公名環字應乾號復庵長治人嘉靖甲辰進士蘇州府同知遷兵備副使晉山東布政司右參政時倭躡吳中邑當衝要由黃姚吳淞數薄城城幾陷公往來苦戰靡不克捷民賴以安邑中嚴氏子五人勇疾善鬪公撫之得其外力每戰率身先士卒雖屢瀕於危意氣益厲俸入悉以稿士囊橐無餘母歿乞奔喪不許寇平乃聽終制以哀毀卒贈光祿寺卿吳中立祠祀之王文學道通誤傳

姚文毅希孟請諡狀略曰環繇進士為令歷廣平沙河滑三縣以循良徵至京循例貳守蘇州時倭寇繇越入吳犯太倉勢張甚督撫以屬環環募兵訓練與之同寢食或累日粒米不入口或露宿泥淖中未嘗稍自異戰罷必身為殿涉津梁一卒未渡終不先行又書其姓名於腹背手足曰外吾職也茲用以諷庶得收持焉凡出兵皆殊死戰嘗被矢創甚成疽血戰自若有書報其子曰不幸有變臣外忠妻外節子外孝成就一箇是而已其成功等於宋之虞允文案其志節張睢陽之流也

案志乘皆以為公外哀毀而簡平集謂公為貴州鑾儀制以夙俟破

知縣朱公象



公名廷益字汝虞嘉興人萬厯丁丑進士仕至通政使司參議曾知
漳浦縣事以振荒忤上官意坐貶民號送至五百里碑德政於東羅
山麓尋有廉其冤者復官移知嘉定我邑地不產米又際兵荒民困
漕兌逃亾者眾前宰以征糧獲罪去者不一人縣幾廢公至謀拯之
遂成改折之舉冊鐵榜冊三連票以杜猾胥影射祀邑忠諫臣久幽
而莫之聞者旌遺佚士恤嫠之少而守節孝養其舅姑者他若修學
校濬河渠諸善政詳徐尚書學謨朱侯祠去思碑記卒後貧不克葬
江南人醵金助之

知縣清獻陸公象



公名隴其初名龍其字稼書平湖人康熙庚戌進士以理學宏儒令吾邑不逾年而大治尋為巡撫慕天顏劾免民至罷市男女負耕織具填塞道路乞畱不得送者五萬人肖生象於邑廟之右尸祝徧邨野士以詩文志之名公歸集再起補靈壽縣知縣擢四川道監察御史未幾罷講學虞山卒壬申年六十三嘉定靈壽俱祀名宦雍正甲辰從祀

文廟西廡乾隆丙辰紀元

賜諡清獻追贈內閣學士兼禮部侍郎張徵士雲章代嘉興柯中書崇樸撰行狀著有三角堂詩文集及各種門人俱於公殉後授梓

教諭程公象



先生名瑤田字易田一字易疇晚號辨穀老民歙縣人乾隆庚寅
 恩科舉人選授吾邑教諭始至額其廨曰讓堂書朱子白鹿洞規於
 屏任三年修舉廢墜與諸生講解一以躬行實踐為主學極該博淡
 邃兼工書法辛亥乞假回籍王光祿鳴盛贈詩曰官惟當湖陸師則
 新安程一百五十載卓然兩先生可見其為人焉嘉慶丙辰紀元
 詔舉孝廉方正賜六品頂帶卒甲戌年九十道光戊申祀原籍鄉賢
 祠著述凡十餘種統名通藝錄

提督忠愍陳公象



公名化成字業章號蓮峯同安人起家行伍積功至提督調江南駐
 吳淞與士卒同甘苦行不設儀衛時縱小舟巡海聞公少壯伏行水
 底可百里風濤固素習焉道光辛丑廈門鎮海相繼為倭夷所陷王
 寅四月又失乍浦鄰邑騷動嘉寶獨恃公靜鎮民皆安堵至五月初
 八黎暉夷船大至公率標下及太湖兵力禦夷且卻退矣以徐州鎮
 總兵官王志元臨敵退遁客兵尾之遂內潰公受重傷卒年六十七
 越八日邑令練廷璜募人致公尸兵民視斂皆泣柩還閩送者塞塗
 事
 聞優卹如制原籍及殉難處竝建專祠諡忠愍

儒學提舉楊先生象



先生名維禎字廉夫學者稱鐵崖先生元泰定丁卯進士仕終江西等處儒學提舉狷直傲物官久不調因自放於山水歷覽東南名勝來主邑中強氏最久一時碑刻題詠多出其手善吹鐵篴作梅花三弄人又以楊鐵篴稱之卒明洪武庚戌年七十五
國朝秀水朱檢討彝尊撰傳著有宋遼金三史正統辨史鉞史義拾遺麗則遺音古樂府

處士沈先生象



先生名周字啟南號石田晚號白石翁長洲相城人年十一遊南都
作百韻詩上崔侍郎恭又面試以鳳皇臺賦援筆立就乃大嗟異及
長益博覽羣書志行高潔守令以賢良薦不就性至孝母年九十九
而終先生亦八十矣又三年正德己巳卒卽葬相城西牒圩之原王
文恪蓋誤墓志書畫爲世寶貴江東黃鎮曾延之家命子淮師事之
故黃氏多遺蹟弘治辛亥淮刻其集

太僕寺寺丞歸先生象



先生名有光字熙甫又字開甫號震川又號項脊生海內稱震川先生崑山人講學安亭邑士多從之游嘉靖乙丑進士知長興縣以古教化爲治每聽訟引兒童婦女與之刺刺作吳語斷訟遣去不具獄大吏令有不佞者輒寢不行於是銜之調順德通判尋以大學士高拱趙貞吉薦爲太僕寺寺丞卒隆慶辛未年六十六葬金潼里唐先時升代王文肅錫爵謨墓志著有震川全集

處士程先生象



先生名嘉燧字孟陽號偈庵休甯人僑寓邑中汪員外明際築塾中樓以居之性介特與語干謁事輒掉臂去至責備行誼外生患難慨敦篤古節士無以過也工詩文善書畫洞曉音律崇禎壬申舉吾邑鄉飲賓辛巳歸新安癸未卒年七十九箸有浪淘松圓閣耦耕堂等集

案錢塘女史汪端選明三十家詩論曰虞山之選明詩毀譽失實惟推重孟陽為未可厚非孟陽近體秀逸瀏亮宗範隨州丁莊固不失為名家而猶介自守亦不失為吳仲圭吾子行一流人虞山以其詩與己同調力相稱引實鑑於王李之擯茂秦故結契布衣以邀時譽非孟陽有意依附也且詩選告成在孟陽既歿之後諡之曰詩老所以慰其地下非披孟陽以抗李何王李也朱竹垞邵子湘及沈歸愚皆以虞山之故遷怒孟陽遇事醜詆懲羹吹齏是徒取伎一時何以昭信後世論詩如論史實存公是諒哉諒哉

國子監生宋先生象



先生名珵字比玉自號荔支仙莆田人文學生入太學工詩擅書畫見松圓詩老荔支酒歌行訪宋七載凡歷數千里始來嘉定識之因兄事焉歿後歸葬閩中錢謙益撰墓表

案列朝詩集小傳言長身玉立神情軒舉不立崖岸而胸中涇渭并如其詩才情爛漫酒酣歌罷筆騰墨飛或醒而自謂無以加或旦而忘其誰作也又贈以六絕句末云練水休為長談歌州民地主避君多南翔便是西州路匣劍囊琴忍再過先生過樓上輒信宿檀園時李先生已逝故云

國子監生宋先生象

徵士歸先生象



先生名昌世字文休太僕寺丞有光孫與同邑王提學志堅吾邑李
舉人流芳齊名久困諸生棄而專力於詩古文詞和陶諸作松圓詩
老亟稱之葦草書夏擅墨竹嘗授經南翔多所造就崇禎末徵待詔
不應及甲申三月之變歔歔飲泣至九月卒年七十二墓在新陽江
東稱區十圖西巨圩自訂生平詩文名假庵集

文學士歸先生象



先生名莊字玄恭號恆軒徵士昌世子博覽羣書尤精司馬兵法既遭國難家亦破亾妻諸生浪蹟江湖與顧亭林炎武齊名詩文豪邁善書工畫竹邑中多故舊恆流連浹歲卒年六十葬金潼里祖塋

案先生自乙卯後更名莊明亦號普明頭陀嘗僧裝亾命後乃廬金潼里先墓側生平最喜顧亭林先生以博雅獨行相推許而俱不諳於俗有歸奇顯怪之稱康熙癸丑先生卒時亭林在山左設祭於章郵桑家莊有哭歸高士詩四首其次章云峻節冠吾儕危言驚世俗常為扣角歌不作窮塗哭生耽一壺酒歿無半間屋惟存孤竹心庶比黔婁先生志節可槩見矣

道山先生象



先生初至隱姓名主南翔李氏鼎革後李氏家破先生入城寓真際庵與文人墨士相往還時主婁塘陳氏或以貌似陳舒也而呼之即以陳舒字字之曰原舒號道山崇禎中或有見其著四品服在班聯中殆勝國之遺臣歟有潔癖詩畫儵然絕俗後殉於松江詩集小象流落邑中邑人唐元良易箕序其遺藁述寓嚮蹤蹟頗詳張文學銘

諛傳

周傑園先生亮工讀畫錄云道山從松江之朱家閣移居金陵構小園於雨花臺下吟詩作畫怡然自得素豪邁不羈嘗遊東牟登蓬萊閣憑欄觀海獨舉數大白羽若無人索筆書渺乎小日晴好捫腹縱步或過市上人謂之飲亦飲雖府史屠沽載酒往亦不拒欣然優醉輒高歌數調曼聲過雲或請之歌則不歌人莫能測也凡畫心自題信手疾書不由思索皆有韻致案唐元良詩序云吾里有陳文吉者初為李氏西賓相得甚歡遂宗其姓名舒字原舒張中巖錫爵鈍聞文鈞則謂先生性來若嘗聞茗有陳舒者類或誤以陳舒字原舒呼之先生欣然應之遂襲其姓氏名號云又案李文學聖芝所誤僧筏先生行略中有云己卯庚辰間有武林陳元舒懷刺造門益自楚來為邑侯幕客縱酒恣飲中之適監司過城下得倅辰間將從雲間去去時府君在識面惜其倉卒漫行為誌者邈得必重困雷之荒園與書畫盤桓者三月云云與張西又諛傳言原舒入練川與僧筏友善合傳言先生居白門二十餘年故邑志以為金陵人亦作平湖人卒於松江歲在康熙壬戌

舉人陳先生象



先生名瑚字言夏號確庵太倉人崇禎壬午舉人究心天官河渠兵
農禮樂以及六壬奇門諸書癸未江南大饑上救荒四政支吾三策
乙卯奉父避居崑山之蔚邨黃冠野服忍餓箸書

國朝揆羅遺佚當事以其名應

詔力辭乃已卒年六十三學者稱安道先生江蘇巡撫湯文正斌卽
其故居建安道書院嘗以講學挈家至嘉定從遊甚眾邑令聘修縣
志著有確庵詩文集

文學生吳先生象



先生名歷字漁山常熟文學生居近言子墨井因自號墨井道人以
畫名重海內所畫天池石壁曾蒙
睿賞書法規樞東坡寓嘉定十餘年邑人多從之遊卒康熙丁卯戊
戌間年八十餘張徵士雲章謨傳著有墨井詩草

徵士朱先生象



先生名厚章字以載號約庭崑山人幼撫於張北田觀光家仍以朱
姓補崑山庠生雍正甲寅應

詔舉鴻博未及赴卒年四十三卽葬嘉定南城外鉤間詩老張錫爵
撰墓表有多師集十卷長洲沈文憲德潛爲序

序略曰約庭工歌詩樸文及駢體小詩又善入法嘗於其坐見須列兩人各執筆磨墨申紙以
待約章口授一成四六一改友人長律而已又磨寫某孝子傳約千餘言頃之序成多新語長
律亦完善磨寫極工楷無脫誤中又與余道別後相思語以是知五官並用驚其能




徵士朱先生象

知縣胡先生象



先生名仁濟字施沛號省齋大興人原籍浙江山陰貢生由盧龍縣
教諭游陞知縣任江南劇邑持身廉潔性鯁直屢爲大吏所抑蹟而
起者再後署寶山興利除弊民德焉先生以寶山田濱海歲蝕於潮
築土塘捍之延袤四十里嗣督臣奏請給帑增建石塘工歷三載費
不足鬻田廬且稱貸以益之工甫成而上官罷其職貧不能歸爲句
讀師以自給吾邑東南鄉子弟多得其教益卒後民肖象立祠嘉慶
丙寅入祀名宦祠


主事錢先生象



先生名杜字叔美號松壺仁和人候選主事畫詩書俱極超妙以貴
公子落魄浪游足蹟幾徧天下曾客吾邑至南翔則見於先生作怡
園圖序圖爲祖慶八世祖中憲公遺象也道光甲辰卒於揚州年八
十二家君誤傳著有松壺畫憶及畫贅

三書卷之三

知縣陳先生象



先生名文述字雋甫號雲伯錢塘人嘉慶庚申舉人性恬退工詩古文與族兄鴻壽佐今太傅阮公元浙撫幕時稱二陳入都與楊員外芳燦齊名屢不售於禮部試始就吏職由江西改江蘇歷攝縣事為政清簡且修廢闢潛為風俗勸悉河防海運鹽政諸利弊著為議大吏間采以設施曾寓邑西城金氏兩從陶文毅樹陳巡撫變課士安亭江上之震川書院病歸再起需次安徽以道光乙巳卒繁昌縣任年七十五家君誤行狀箸有頤道堂集

24
500
6

